

卷之五

舊五代史卷一

宗司空同中書門下平章事薛居正等撰

太祖紀第一

案薛史本紀永樂大典所載俱全獨梁太祖紀原帙已佚其散見於各韻者僅得六

十八條參以通鑑考異通鑑注所徵引者又得二十一條本末不具未能綴輯成篇考冊府元龜閏位部所錄

朱梁事蹟皆本之薛史原文首尾頗詳按條採掇尚可彙萃謹依前人取魏澹書高氏小史補北魏書闕篇之

例采冊府元龜梁太祖事編年系日次第編排以補其闕庶幾畧還薛史之舊仍於各條下注明原書卷第以

核備馬

梁書一

太祖神武元聖孝皇帝姓朱氏諱晃本名溫永樂大典卷八千六

百八宋州碭山人其先舜司徒虎之後高祖黷曾祖茂

琳祖信父誠帝即誠之第三子母曰文惠王皇后冊府元龜

卷一百八十二 案五代會要梁肅祖宣元皇帝諱黠

舜司徒虎四十二代孫開平元年七月追尊宣元皇帝

廟號肅祖宣僖皇后范氏開平元年七月追尊光獻皇帝

長子母曰宣僖皇后范氏開平元年七月追尊光獻皇帝

帝廟號教祖堯安陵憲祖昭武皇帝諱信光獻皇帝

長子母曰光孝皇后楊氏開平元年七月追尊昭武皇帝

帝廟號憲祖堯安陵烈祖文穆皇帝諱誠昭武皇帝

長子母曰昭懿皇后劉氏開平元年七月追尊文穆皇帝

帝廟號烈祖 以唐大中六年歲在壬申十月二十一日

葬咸寧陵 夜生於碭山縣午溝里是夕所居廬舍之上有赤氣上

騰里人望之皆驚奔而來曰朱家火發矣及至則廬舍

儼然既入隣人以誕孩告衆咸異之 永樂大典卷一萬

六千一百一十九案

以上亦見冊府元龜卷一百八十二以此 昆仲三人俱

推之知冊府元龜引五代事蹟多本薛史 未冠而孤母

案冊府元龜引此條 携養寄於蕭縣人劉

母字下有王氏二字

崇之家帝既壯不事生業以雄勇自負里人多厭之崇

以其慵惰每加譴杖唯崇母自幼憐之親為櫛髮嘗誠

家人曰朱三非常人也汝輩當善待之家人問其故答

曰我嘗見其熟寐之次化為一赤蛇然衆亦未之信也

永樂大典卷五十九 唐僖宗乾符中關東荐饑羣賊嘯聚黃

巢因之起於曹濮饒民願附者凡數萬帝乃辭崇家與

仲兄存俱入巢軍以力戰屢捷得補為隊長唐廣明元

年十二月甲申黃巢陷長安遣帝領兵屯於東渭橋是

時夏州節度使諸葛爽率所部屯於櫟陽巢命帝招諭

爽爽遂降於巢中和元年二月巢以帝為東南面行營

先鋒使令攻南陽下之六月帝歸長安巢親勞於灞上
 七月巢遣帝西拒邠岐廊夏之師於興平所至皆立功
 二年二月巢以帝為同州防禦使使自攻取帝乃自丹
 州南行以繫左馬馮翊拔之遂據其郡時河中節度使
 王重榮屯兵數萬糾兵諸侯以圖興復帝時與之鄰封
 屢為重榮所敗遂請濟師於巢表章十上為偽左軍使
 孟楷所蔽不達又聞巢軍勢感諸校離心帝知其必敗
 九月帝遂與左右定計斬偽監軍使嚴實舉郡降於重
 榮業舊唐書僖宗紀八月庚子賊同州防禦使朱溫殺其
 監軍嚴實與大將胡真謝瞳等來降薛史作九月與舊
 唐書異考新唐書九月丙戌黃巢將朱溫以同州降通
 鑑亦作九月丙戌朱溫殺其監軍嚴實舉州降皆與薛

史同是朱溫之降實重榮即日飛章上奏時僖宗在蜀
 在九月舊唐書誤覽表而喜曰是天賜予也乃詔授帝左金吾衛大將軍
 充河中行榮副招討使仍賜名全忠案歐陽史云王鐸
 大將軍河中營行招討副使薛史以為僖宗招授為歐
 陽史異考舊唐書王鐸承制拜溫為華州刺史潼關防
 禦鎮國軍等使通鑑作王鐸承制以溫為同華節度使
 是王鐸承制所拜之官非如歐陽史所載也至謝瞳奉
 表行在乃詔授金吾衛大將軍河中營
 招討副使耳當以薛史為得其實自是率所部與

河中兵士偕行所向無不克捷三年三月僖宗制授帝

宣武軍節度使依前充河中行營副招討使仍令候收

復京關即得赴鎮案舊唐書中和三年五月以檢校尚
 書右僕射華州刺史潼關防禦使

朱溫檢校司空兼汴州刺史充宣武節度觀察等使仍
 賜名全忠據薛史則全忠授宣武節度在三月非五月

月也由河中行營招討副使遷授非由潼關防禦等使也賜名全忠在二年九月亦非三年五月也通鑑所叙年月官爵名號四月巢軍自南關南走帝與諸侯之師皆以薛史為据俱收長安乃率部下一旅之眾伏節東下七月丁卯入於梁苑是時帝年三十有二時蔡州刺史秦宗權與黃巢餘孽合從肆虐共圍陳州久之僖宗乃命帝為東北面都招討使時汴宗連年阻饑公私俱困帑廩皆虛外為大敵所攻內則驕軍難制交鋒接戰日甚一日人皆危之惟帝銳氣益振是歲十二月帝領兵於鹿邑與巢眾相遇縱兵擊之斬首二千餘級乃引兵入亳州因是兼有譙郡之地四年春帝與許州田從異諸軍同收瓦

子寨殺賊數萬眾是時陳州四面賊寨相望驅擄編氓殺以充食粥為春磨寨帝分兵翦撲大小凡四十戰四月丁巳收西華寨賊將黃鄴單騎奔陳帝乘勝追之鼓噪而進會黃巢遁去遂入陳州刺史趙犖迎於馬前俄聞巢黨尚在陳北故陽壘帝遂還歸大梁是時河東節度使李克用奉僖宗詔統騎軍數千同謀破賊與帝合勢于中牟北邀擊之賊眾大敗於王滿渡多束手來降時賊將霍存葛從周張歸厚張歸霸皆匍匐於馬前恚宥而納之遂逐殘寇東至於寬旬五月甲戌帝與晉軍振旅歸汴館克用於上源驛既而備犒宴之禮克用乘醉任

氣帝不平之是夜命甲士圍而攻之

案自五月甲戌至此又見通鑑考異

所引薛史梁紀與冊府元龜所引符合

會大雨雷電克用因得於電光中

踰墻遁去惟殺其部下數百人而已六月陳人感解圍之惠為帝建生祠堂於其郡是歲黃巢雖歿而蔡州秦宗權繼為巨孽有衆數萬攻陷鄰郡殺掠吏民屠害之酷更甚巢賊帝患之七月遂與陳人共攻蔡賊于澠水殺數千人九月己未僖宗就加帝檢校司徒同平章事封沛郡侯食邑千戶光啓元年春蔡賊掠亳穎二郡帝帥師以救之遂東至于焦夷敗賊衆數千生擒賊將鐵林梟首以徇軍而還三月僖宗自蜀還長安改元光啓

四月戊辰就加帝檢校太保增食邑千五百戶十二月河中太原之師逼長安觀軍容使田令孜奉僖宗出幸鳳翔二年春蔡賊益熾時唐室微弱諸道州兵不為王室所用故宗權得以縱毒連陷汝洛懷孟唐鄧許鄭圍幅數千里殆絕人煙惟宗毫滑穎僅能閉壘而已帝累出兵與之交戰然或勝或負人甚危之三月庚辰僖宗降制就封帝為沛郡王

案舊唐書光啟元年三月以汴州刺史朱全忠為沛郡王充蔡

州西北面行營都統據薛史則元年惟增食邑至二年三月乃進封為王也與舊唐書異歐陽史從薛史是

月僖宗移幸興元五月嗣襄王煜僭即帝位於長安改元為建貞遣使賫偽詔至汴帝命焚之於庭朱幾襄王

果敗七月蔡人逼司州節度使鹿宴弘使來求救帝遣
葛從周等率師赴援師未至而城陷宴弘為蔡賊所害

十一月滑州節度使安師儒以怠於軍政為部下所殺

案舊唐書云十月壬子朔滑州軍亂逐其帥安師儒推
衙將張駘主留後軍務師儒奔汴朱全忠殺之新唐書

云十月朱全忠陷滑州執義成軍節度使安師儒歐陽
史從舊唐書作奔汴通鑑從新唐書作被擄據薛史則

師儒自為部下所殺與新舊唐書異又新舊唐
書俱作十月而薛史作十一月通鑑仍從薛史帝聞之

乃遣朱珍李唐賓襲而取之由是遂有滑臺之地案舊唐書

云朝廷以汴師朱全忠兼領義成軍節度使据薛史胡
真傳云真以其兵襲取滑州乃署為滑州節度留後蓋

全忠雖嘗兼領義成而不之
鎮故署其將胡真為留後十二月僖宗降制就加帝

檢校太傅改封吳興郡王食邑三千戶是歲鄭州為蔡

賊所陷刺史李璠單騎來奔帝宥而納之以為行軍司

馬宗權既得鄭益驕帝遣裨將邏於金隄驛與賊相遇

因擊之賊衆大敗追至武陽橋斬首千餘級帝每與蔡

人戰於四郊既以少擊衆常出奇以制之但患師少未

快其首宗權又以已衆十倍於帝恥於頻敗乃誓衆堅

決以攻夷門既而獲蔡之謀者備知其事遂謀濟師焉

三年春二月乙未承制以朱珍為滑州刺史俾募兵於

東道且慮蔡人暴其麥苗其以夏首回歸案自募兵於
東道至此亦

見通鑑注與珍既至淄棣旬日之內應募者萬餘人又
冊府元龜同

潛襲青州獲馬千匹開甲稱是乃鼓行而歸四月辛亥

謀

鏡

達於夷門帝喜曰吾事濟矣是時賊將張晳屯於北郊
 秦賢屯於版橋各有衆數萬樹柵相連二十餘里其勢
 甚盛帝謂諸將曰此賊方今息師蓄銳以俟時必來攻
 我况宗權度我兵少又未知珍來謂吾畏憚止於堅守
 而已今出不意不如先擊之乃親引兵攻秦賢寨將士
 踴躍爭先賊果不備連拔四寨斬首萬餘級時賊衆以
 為神助庚午案通鑑考異云長歷四月甲辰朔無庚午
 薛史誤今考舊唐書光啟三年四月正作
 甲辰朔以日數計之庚午乃四月二十七日也此非薛史之誤乃通鑑考異之誤耳賊將盧塘領
 萬餘人於圃田北萬勝戍夾汴水為營跨河為梁以扼
 運路案通鑑注引薛史梁紀曰盧塘於圃田北夾
 汴為梁以扼運路視冊府元龜所引稍有刪節帝擇

霧

精銳以襲之是日昏霧四合兵及賊壘方覺遂突入掩
 殺赴水死者甚衆盧塘自投於河河南諸賊連敗不敢
 復駐皆并在張晳寨自是蔡寇皆懷震懼往往軍中自
 相驚亂帝按師休息大行犒賞繇是軍士各懷憤激每
 遇敵無不奮勇五月丙子出酸枣門自邠至未短兵相
 接賊衆大敗追斬二十餘里僵仆就枕宗權恥敗益縱
 其虐乃自鄭州親領突將數人逕入張晳寨冊府元龜
 卷一百一十八
 廿其日晚大星隕於賊壘有聲如雷永樂大典卷三
 千二百七十一辛
 己兗鄆滑軍士皆來赴援乃陳兵於汴水之上旌旂器
 甲甚盛蔡人望之不敢出寨翌日分布諸軍齊攻賊寨

自寅至申斬首二萬餘級會夜收軍牛馬輜重生口器
甲不可勝計是夜宗權睦遁去遲明追之至陽武橋而
還宗權至鄭州乃盡焚其廬舍屠其郡人而去始蔡人
分兵寇陝雒孟懷許汝皆先據之因是敗也賊眾恐思
咸棄而道帝乃慎選將佐俾完葺壁壘為戰守之備於
是遠近流望復歸者眾矣是時揚州節度使高駢為裨
將畢師鐸所害復有孫儒楊行密互相攻伐朝廷不能
制乃就加帝檢校太尉兼領淮南節度使案舊唐書光
化三年十一月
月楊行密遣使求援於朱全忠制授全忠檢校太尉侍
中兼揚州大都督府長史充淮南節度觀察使行營兵
馬都統歐陽史作十二月通鑑作閏十一月據薛史則
全忠兼領淮南自在九月以前與諸書異又薛史下文

作閏十一月而通鑑作九月亳州裨將謝殷逐刺史宗

袞自據其郡帝親領軍屯於太清宮遣霍存討平之新案

唐書云光啓三年六月壬戌亳州將謝殷逐其刺史宗
袞八月壬寅謝殷伏誅通鑑從新唐書薛史作九月與

新唐書帝之禦蔡寇也鄭州朱瑄案歐陽史作朱宣薛史
前後皆作瑄舊唐書通

薛史並同兗州朱瑾皆領兵來援及宗權既敗帝以瑄瑾

宗人也又有力於己皆厚禮以踈之瑄瑾以帝軍士勇

悍私心愛之乃密於曹濮界上懸金帛以誘之帝軍利

其貨而赴者甚眾帝乃移檄以讓之朱瑄來詞不遜案

鑑考異引高若拙後史補曰梁大祖皇帝到梁國深有
大志然兵力不足常欲外掠又虞四境之難每有鬱然
之狀時有荐敬秀才於門下乃白梁祖曰明公方欲圖
大事輜重必為四境所侵但令麾下將士詐為叛者而

此即明公奏于主上及告四鄰以自襲叛徒為明梁祖曰天降奇人以佐于吾初從其議以出面致衆十倍今案高君拙所紀深得敬翔與梁祖陰謀情狀薛史止據梁實錄原辭未及改正歐史作移檄究鄆誣其誘汴亡卒以東亦未詳考乃命朱珍侵曹伐濮以懲其姦未幾珍伐曹

州執刺史丘禮以獻遂移兵圍濮州充鄆之覺自茲而始矣十月僖宗命水部郎中王贊撰紀功碑以賜帝是月帝親騎數千巡師於濮上因破朱瑄援師於范縣丁未攻陷濮州刺史朱裕單騎奔鄆尋為鄆人所敗踰月乃還十二月僖宗遣使賜帝鐵券又命翰林承旨劉崇望撰德政碑以賜帝閏月甲寅帝請行營司馬李璠權知淮南留後乃遣大將郭言領兵援送以赴揚州文德

元年正月帝率師東赴淮海行次宋州聞楊行密已拔

揚州遂還是時李璠郭言行至淮上為徐戎所扼不克

進而還案歐陽史云璠之揚州行密不納據通鑑云李璠至泗州時溥以兵襲之郭言力戰得免而還

是李璠未嘗得至揚州也當以薛史為定錄帝怒遂謀伐徐二月丙戌僖宗

制以帝為蔡州四面行營都統縣是諸鎮之師皆受帝

之節制案新唐書正月癸亥朱全忠為蔡州四面行營都統舊唐書作五月以薛史異通鑑從新唐書

三月庚子昭宗即位是月蔡人石璠領萬衆以剽陳亳

帝遣朱珍率精騎數千擒璠以獻四月戊戌魏博樂彥

禎失律其子從訓出奔相州使來乞師帝遣朱珍領大

軍濟河連收黎陽臨河二邑既而魏軍推小校羅弘信

援

為帥弘信既立遣使送款於汴帝優而納之遂命班師
 是月河南尹張全義襲李罕之於河陽克之罕之單騎
 出奔因乞師於太原李克用為發萬騎以緩之罕之遂
 收其衆偕晉軍合勢急攻河陽全義危急遣使求救於
 汴帝遣丁會牛存節葛從周領兵赴之大戰於温縣晉
 人與罕之俱敗於是河橋解圍全義跣于河陽因以丁
 會為河陽留後五月己亥昭宗致以帝檢校侍中增食
 邑三千戶戊辰詔改帝鄉錦衣里曰沛王里是月帝以
 兼有洛孟之地無西顧之患將大整師徒畢力誅蔡會
 蔡人趙德諱舉漢南之地以歸於朝廷

案新唐書昭宗紀五月壬寅趙

河

制

德諱以襄州陪舊唐書及通鑑皆作五月與薛史全歐陽史叙其事于三月以前疑有舛誤

且遣使送

款于帝仍誓戮力同討宗權帝表其事朝廷因以德諱
 為蔡州四面副都統又以何陽保義義昌三節度為帝
 行軍司馬兼糧料應接冊府元龜卷一百八十七至是帝領諸侯之
 師會德諱以伐蔡賊于汝水之上遂薄其城五日之內
 樹二十八寨以環之蓋象列宿之數也永樂大典卷一萬五千一百二
 十時帝親臨矢石一日飛矢中其左腋血清車衣顧謂
 左右曰勿洩永樂大典卷二萬七百十二九月以糧運不繼遂班師
 是時帝知宗權殘孽不足為患遂移兵以伐徐十月先
 遣朱珍領兵與時溥戰于吳康鎮徐人大敗連收豐蕭

二邑溥携散騎馳入彭門帝命分兵以攻宿州刺史張友携符印以降既而徐人閉壁堅守遂命龐師古屯兵守之而還是月蔡賊孫儒攻陷揚州自稱淮南節度使龍紀元年正月龐師古攻陷宿遷縣進軍于呂梁時溥領軍二萬晨壓師古之軍而障師古促戰敗之斬首二千餘級溥復入彭門二月蔡將申叢遣使來告縛秦宗權于帳下折其足而囚之矣案舊唐書文德元年十一月甲子朔蔡州牙將申叢執秦宗權新唐書作十二月辛酉與舊唐書月日互異薛史作龍紀元年二月蓋即其遣使來告之月而書之也歐陽史帝即日承制以叢為淮西留後未幾叢復為都將郭璠所殺是月璠執宗權來獻帝遣行軍司馬李

璠牙校朱克讓檻進於長安既至昭宗御延喜樓受俘即斬宗權于獨柳樹下蔡州平昭宗詔加帝食寔封一百戶賜莊宅各一區三月又加帝檢校太尉兼中書令進封東平王賞平蔡之功也案舊唐書四月壬戌朔以宣武淮南等節度副大使知節度事管内營田觀察處置等使開封府儀同三司檢校太傅兼侍中楊州大都督府長史汴州刺史充蔡州四面行營都統上柱國沛郡王食邑四千戶朱全忠為檢校太尉中書令進封東平王仍賜賞軍錢十萬貫薛史及歐陽史俱作三月與舊唐書異大順元年四月丙辰宿州小將張筠逐刺史張紹光擁以眾附時溥帝率親軍討之殺千餘人筠遂堅守乙卯時溥出兵暴碭山縣帝遣朱友裕以兵襲之敗徐軍三千餘眾獲沙陀援軍石居和等三

馬

十人斬於宿州城下六月辛酉淮南孫儒遣使修好於
 帝帝表其事請以淮南節度授於儒也辛未昭宗命帝
 為宣義軍節度使充河東東面行營招討使案舊唐五
 月以宣武
 節軍度使朱全忠為太原東南面招討使歐陽史從舊
 唐書作東南面通鑑作南面與舊唐書異考新唐書云
 五月以朱全忠南面招討使六月辛未朱全忠為河東
 東面行營招討使蓋先為南面招討使後改東面也又
 六月全忠兼領宣義軍新舊唐書皆不載通鑑用薛史時朝廷宰臣張濬將兵討
 太原故也八月甲寅昭義都將馮霸殺沙陀所署節度
 使李克恭來降帝請河陽節度使朱崇節為潞州留後
 戊辰李克用自率蕃漢步騎數萬以圍潞州帝遣葛從
 周率驍勇之士夜中銜枚犯圍而入於潞案舊唐書五
 月潞州軍亂

鄆

殺其帥李克恭七月朱全忠遣大將葛從周率千騎入
 潞州薛史統作八月蓋據入潞之月而追言之也
 九月壬寅帝至河陽遣都將李讜引軍趨澤潞行至馬
 牢川為晉人所敗帝又遣朱友裕張全義率精兵至渾
 州北以應援既而崇節從周棄潞來歸戊申帝廷責諸
 將敗軍之罪斬李讜李重胤以狗遂班師焉案自九月
 壬寅至此
 又見通鑑考異十月乙酉帝自河陽赴滑臺時奉詔將
 與冊府元龜同討太原先遣使假道於魏魏人不從先是帝遣行人雷
 鄴告羅于魏既而為牙軍所殺羅弘信愆故不敢從命
 遂通好於太原十二月辛丑帝遣丁會葛從周率眾渡
 河取黎陽臨河又令龐師古霍存下淇門衛縣帝徐以

大軍繼其後二年春正月魏軍屯于內黃丙辰帝與之
接戰自內黃至永定橋魏軍五敗斬首萬餘級羅弘信
愬遣使持厚幣請和帝命止其焚掠而歸其俘弘信繇
是感悅而聽命焉乃收軍屯于河上八月己丑帝遣丁
會急攻宿州刺史張筠堅守其壁會乃率衆于州東築
堰壅汴水以浸其城十月壬午筠遂降宿州平案舊唐書作十
一月汴軍陷宿州與薛史異歐陽史十一月丁未曹州
及新唐書通鑑俱從薛史作十月案新唐書十一月
禪將郭紹賓殺刺史郭饒舉郡來降已未曹州將郭誅
殺其刺史郭詞叛附于全忠通鑑從是月徐將劉知俊
新唐書與薛史異歐陽史仍從薛史率衆二千來降自是徐軍不振十二月兗州朱瑾領軍

三萬寇單父帝遣丁會領大軍襲之敗於金鄉界殺二
萬餘衆瑾單馬遁去景福元年正月遣丁會于兗州界
徙其民數千户于許州二月戊寅帝親征鄆先遣朱友
裕屯軍於斗門甲申次衛南有飛鳥止於峻堞之上鳴
噪甚厲副使李璠曰將有不如意之事是夜鄆州朱瑾
率步騎萬人襲朱友裕于斗門友裕拔軍南去乙酉帝
晨救斗門不知友裕之退前至斗門者皆為鄆人所殺
帝追襲鄆人至瓠河不及遂領兵于村落間朱瑄尚在
濮州丁亥遇朱瑄率兵將歸于鄆遂來衝擊帝策馬南
馳為賊所追甚急前後浚溝躍馬而過張歸厚援稍力

下

戰于其後乃免時李璠與都將數人皆為鄆軍所殺五

月丙午遣朱克讓率眾暴克鄆之麥十一月遣朱友裕

率兵攻濮州之擒刺史邵儒以獻濮州平遂命移軍伐

徐州冊元府龜卷一百八十七二年四月丁丑師古下彭門集溥首

以獻通鑑考異引薛史梁紀案冊府元龜引薛史于景福二年事多所刪節考異是年春有石佛山之

戰令不載通鑑注引薛史云石佛山在彭門南疑即此處關文也八月帝遣龐師古移

兵攻克駐于曲阜與朱瑾屢戰皆敗之十二月師古遣

先鋒葛從周引軍以攻齊州刺史朱威告急于克鄆既

而朱瑄以援兵至遂固其壘冊府元龜卷一百八十七乾寧元年二

月帝親領大軍由鄆州東路北次於魚山朱瑄覘知即

以兵逆至且圖速戰帝整軍出寨時瑄瑾已陣于前須

臬東南風大起我軍旌旗失次甚有愬色即令騎士揚

鞭呼嘯俄而西北風驟發時兩軍皆在草莽中帝因令

縱火既而煙焰亘天乘勢以攻賊陣瑄瑾大敗永樂大典卷一

萬五千一百二十殺萬餘人餘眾擁入清河因築京觀于魚山

之下駐軍數日而還二年正月癸亥遣朱友恭帥師復

伐克遂整而圍之未幾朱瑄自鄆率步騎援糧欲入于

克友恭設伏以敗之盡奪其餉于高兵因擒蕃將安福

順安福慶二月己酉帝領親軍屯於單父以為友恭之

援四月濠壽二州渡為楊行密所陷是時太原遣將史

儼兒李承嗣以萬騎馳入于鄆案通鑑乾寧二年四月

承嗣以萬人馳入于鄆此據薛史梁紀原文惟史儼兒李

作史儼為微異耳下又云七月克用遣史儼將三千騎

詣石門侍衛十二月李克用遣大將史儼李承嗣假道

于魏以救之前後復互且其時汴鄆日有戰爭道路且

隔史儼既于四月入鄆不應七月已在石門十二月又

過魏也考舊唐書云初克鄆求援于太原克用令蕃將

史完府何懷實等千騎赴之不言其赴鄆為何時據此

篇下云八月獲蕃將史完府十月擒何懷實然則四月

馳入于鄆者當是史完府何懷實非史儼李承嗣也參

考薛史唐武皇紀及李承嗣傳承嗣等入鄆定在二年

之冬梁紀似有舛誤通鑑並采朱友恭遂歸于汴八月

梁唐帝紀亦未能考定畫一

帝領親軍伐鄆至大仇遣前軍批戰設伏於梁山以待

之既而獲蕃將史完府奪馬數百匹朱瑄脫身遁去復

入于鄆案通鑑九月辛未朱全忠自將擊朱瑄戰于梁

山瑄敗走還鄆與薛史異歐陽史仍從薛史作

八月十月帝駐軍於鄆齊州刺史朱瓊遣使請降瓊即瑾

之從兄也案新唐書昭宗紀十一月壬申齊州刺史朱

父

寶也

寶

通鑑

斬何懷寶于兗城之下乃班師十二月葛送周領兵復
伐兗案通鑑云朱全忠之去兗州也留葛從周將兵守之與薛史梁紀異又薛史葛從周傳作十月事

既至與朱瑾戰于壘下殺千餘衆擒其將孫漢筠已下
二十人遂旋師三年正月河東李克用既破邠州欲謀

爭霸乃遣蕃將張污落以萬騎寨于河北之莘縣聲言
欲救兗鄆魏博節度使羅弘信患之使來求援冊府元龜卷一

百八二月帝領親軍屯于單父會寒食帝乃親拜文穆
皇帝陵於碭山縣午溝里冊府元龜卷一百八十九四月辛酉河水

泛漲將壞滑城帝令決隄岸以分其勢為二河夾滑城
而東為害滋甚是月帝遣許州刺史朱友恭領兵萬人

黃

渡淮以便宜送事時洪鄂二州累遣使求援故有是行

五月命葛送周統軍屯於洹水以備蕃軍六月李克用
帥蕃漢諸軍營于丘丘遣其男落落將鐵林小兒三千

騎薄于洹水送周與戰大敗之生擒落落以獻克用悲
駭請修舊好如以贖其子帝不許遂執落落送于羅弘

信斬之越七日我軍還屯陽留以伐鄆八月復壁于洹
水是時昭宗幸華州遣使就加帝檢校太師守中書令

四年正月帝以洹水之師大舉伐鄆辛卯營于濟水之
次龐師古令諸將撤木為橋乙未夜師古以中軍先濟

聲振於鄆朱瑄聞之棄壁夜走葛從周逐之至中都北

擒瑄并其妻男以獻案自辛卯營于濟水之次至此又見通鑑考異惟中少數字蓋引書

間有刪尋斬汴橋下鄆州平乙亥帝入於鄆以朱友裕

為鄆州兵馬留後案通鑑正月以師古為天平軍留後三月表朱友裕為天平軍留後據薛

史擲王友裕傳四年帝下東時帝聞朱瑾與史儼兒在

豐沛間搜索糧饋惟留康懷英以兗州帝因乘勝遣葛

周以大軍襲兗懷英聞鄆失守俄又我軍大至乃出降

朱瑾史儼兒遂淮南兗海沂密等州平案新唐書昭宗紀四年正月丙

申朱全忠陷鄆州天平軍節度朱瑄死之二月朱全忠寇兗州泰寧軍節度使朱瑾奔于淮南舊唐書正月癸

未汴將龐師古陷鄆州二月戊申汴將葛從周乃以葛

從周為兗州留後冊府元龜卷五月丁丑朱友恭遣使

上言大破淮寇于武昌收復黃鄂二州通鑑考異引八

月陝州節度使王珙遣使來乞師是時珙弟珂實為蒲

帥迭相憤怒日尋干戈而珙兵寡故來求援帝遣張存

敬楊師厚等領兵赴陝既而與蒲人戰于猗氏大敗之

九月帝以兗鄆既平將士勇雄遂大舉南征案舊唐書昭宗紀師

古渡淮在十月而清口之敗在十一月薛史繫于九月蓋舉南征之議實始于九月其後遂終言之耳歐陽史

改作九月攻淮南則清口之役乃因雨命龐師古以徐

宿宋滑之師直趨清口葛從周以兗鄆曹濮之眾徑赴

安豐淮人遣朱瑾領兵以拒師古因決水以浸軍遂為

淮人所敗師古歿焉葛從周行及濠梁開師古之敗亦

從 奔

聞

師

命班冊府元龜卷一百八十七

舊唐書

舊五代史卷二

宋司空同中書門下平章事薛居正等撰

太祖紀第二

梁書二

光化元年正月帝遣葛從周統諸將畧地於山東遂次于邢洺三月昭宗以帝遣領天平軍節度使餘如故

唐書光化元年正月朱全忠遣判官韋震奏事求遣領

鄭州薛史作三月事蓋奏事在正月制下在三月也歐陽史及通鑑俱從薛史四月滄州節度使盧廷彥為燕軍所攻棄

城奔于魏魏人送于汴是月帝以大軍至鉅鹿屯于城

下敗晉軍萬餘衆于青山口俘馬千餘匹丁卯遣從周

分兵攻洺州斬刺史邢善益擒將五十餘人五月己巳

邢州刺史馬師素棄城遁去辛未磁州刺史袁奉湏自

劉而死五日之內連下三州案通鑑朱全忠陷邢州在五月

俱以薛史為据新舊唐書總繫于五月歐陽史總繫于四月皆非實錄因以葛從周兼邢

州昭義軍節度使留後帝遂班師是時襄州節度使趙

匡凝案趙匡凝原本避宋諱作趙凝今從新舊唐書及歐陽史增匡字後做此聞帝軍有清

口之敗密附於淮夷七月帝遣氏叔琮率師伐之未幾

其沁州刺史趙璠越墉來降隨州刺史趙琳臨陣就擒

案新唐書七月丙申朱全忠陷唐州又陷隨州執刺史趙匡璠八月戊午陷鄧州執刺史國相通鑑從新唐書

與薛史詳畧不同舊唐書俱作七月歐陽史以唐州為沁州尚仍薛史之舊二年正月淮南

楊行密舉全吳之衆精甲五萬以伐徐州帝領大軍禦

之行密聞帝親征乃收軍而退時幽州節度使劉仁恭

大舉蕃漢兵號十萬以伐魏遂攻陷貝州州民萬餘戶

無少長悉屠之進攻魏州人來乞師帝遣朱友倫張存

敬李思安等先屯于內黃案舊唐書及通鑑俱以屯內黃為三月事與薛史異

帝遂親征三月與燕軍戰于內黃北燕軍大敗殺二萬

餘衆奪馬二千餘匹擒都將軍無敵已下七十餘人案

鑑單可及幽州驍將魏單無敵舊唐書作生擒單是月可及薛史梁紀作單無敵蓋仍當時軍檄之文也

葛從周自山東領其部衆馳以救魏翌日乘勝諸將張

存敬以下連破八寨遂逐燕軍北至于臨清擁其殘寇

於御河溺死者甚衆仁恭奔滄州六月帝表丁會為潞

魏

州節度使以李罕之疾亟故也又遣葛從周由固鎮路
入于潞州以援丁會案自六月帝表丁會至此又見通鑑考異七月壬辰朔

海州陳漢賓擁所部三千奔于淮南戊戌晉人陷澤州

帝遣召葛從周于潞留賀德倫以守之未幾德倫為晉

人所逼遂棄潞而歸繇是潞州復為晉人所有案新唐書八月

李克用陷澤潞懷三州與薛史異通鑑十一月陝州都

將朱簡殺留後李璠自稱留後送款于帝三年四月遣

葛從周以充鄆滑魏之師伐滄州五月庚寅攻德州拔

之棗刺史傅公和于城上己亥進攻浮陽六月燕帥劉

仁恭大舉來援從周與諸將逆戰于乾寧軍老鴟隈大

破之殺萬餘衆俘其將佐馬慎交已以下百餘人既而

以連而遂班師八月河東遣李進通襲陷沁州執刺史

朱紹宗帝遣葛從周自鄴縣渡漳水屯于黃龍鎮親領

中軍涉洺而寨晉人愬而宵遁洺州復平案復洺州通鑑作九月

舊唐書及歐陽史俱作八月九月帝以仁恭進通之入寇也皆繇鎮

定為其囊橐即以葛從周為上將以伐鎮州遂攻下臨

城渡滹沱以還其城帝領親軍繼至鎮帥王鎔愬納質

請盟仍獻文繒二十萬以犒戎士帝許之十月晉人以

帝宿兵于趙遂南下大行急攻河陽留後侯言與都將

閻實力戰固守僅而獲全十一月以張存敬為上將自

環

寶

甘陵發軍北侵幽薊連拔瀛莫二郡案新唐書昭宗紀九月甲寅朱全忠

陷瀛州十月丙寅陷景州辛酉陷莫州辛巳陷祁州通鑑與新唐書同舊唐書俱作九月事薛史又俱作十一

月事薛史又俱作十一後互異遂移軍以攻中山定帥王郜以精甲二萬戰于

懷德亭盡殪之郜懇奔于太原遲明大軍集于城下郜

季父處直持印鑰乞降六以繒帛三十萬為獻帝即以

直處代郜領其鎮馬是月燕人劉守光赴援中山寨于

易水之上繼為康懷英張存敬等所敗斬獲甚衆繇是

河朔知恩皆弭伏焉是歲唐左軍中尉劉季述幽昭宗

於東宮內立皇子德王裕為帝仍遣其養子希度來言

願以唐之神器輸于帝帝時方在河朔聞之遽還于汴

大計未決案通鑑考異引唐補紀謂全忠初與季述通謀後乃改計今考新舊唐書皆不載此事薛

史亦不取會李振自長安使迴因言于帝曰夫堅刀伊戾之

亂所以資霸者之事也今闕堅幽辱天子王不能討與

以令諸侯帝懇因請振復使于長安與時宰潛謀反正

案自季述幽昭宗至此亦見天復元年正月乙酉朔

通鑑考異唯字句稍有刪節復元年正月乙酉朔案

復元年正月當逆舊唐書作甲申朔考光化三年十二

月為乙卯朔天復元年二月為甲寅朔舊唐書作癸未

夜孫德昭等以兵攻劉季述王仲先通鑑作德昭等謀

以除夜伏兵俟之以癸未為除夜則正朔斷為甲申也

通鑑送薛史作唐宰相崔胤潛使人以帝密旨告于侍

豎下曰

王酬反正之功也案舊唐書二月志以全忠檢校太師守中書令進封梁王新唐書二月辛

未封全忠為梁王與薛史月日先後不同詳見通鑑考異昭宗之廢也汴之即吏程

巖牽昭宗衣下殿帝聞之召巖至汴折其足送于長安

杖殺之是時河中節度使王珂結援于太原帝怒遣大

將張存敬率將涉河縣舍山路鼓行而進戊申攻下絳

州壬子晉州刺史張漢瑜舉郡未降帝即以大将侯言

權領晉州何細權領絳州晉絳平己未大軍至河中存

敬命繚其垣而攻之壬戌蒲人颺素幡以請降庚午帝

至河中以張存敬權領河中軍府事河中平帝乃東還

是月李克用遣牙將張特來聘請尋舊好帝亦遣使報

命三月癸未朔帝歸自河中是月遣大将賀德倫氏叔

琮領大軍以伐太原叔琮等自太行路入魏博都将張

文恭自磁州新口入葛從周以充鄆之衆自土門路入

洺州刺史張歸厚以本軍自馬嶺入定州刺史王處直

以本軍自飛狐入案原本關王處直三字今据通鑑增入晉州侯言自陰

地入澤州刺史李存璋棄郡奔歸太原叔琮引軍逼潞

州節度使孟遷乞降河東屯將李審達王周領步軍一

萬二千詣叔琮歸命乃進軍太原四月乙卯大軍出石

會關營于洞渦驛都将白奉國自井陘入收承天軍張

誅厚引兵至遼州刺史張鄂迎降氏叔琮即日與諸軍

兼

至晉陽城下城中雖時出精騎來戰然危蹙已甚將謀
 遁矣會叔琮以芻糧不給遂班師案舊唐書四月癸丑朔汴軍大舉攻太原
 據薛史則汴人伐太原自在三月也新唐書云三月辛
 亥昭義軍節度使孟遷叛附于朱全忠四月壬子全忠
 臨沁澤二州丁巳儀州刺史張鄂叛附于全忠大畧于
 薛史同唯旋師之期薛史梁紀作四月唐紀作五月微
 有互異歐陽史作三月旋師誤五月癸卯昭宗以帝遣領護國軍節度
 使河中尹六月庚申帝發自大梁冊府元龜卷一百八十七丁卯視
 事於河東以素服出郊拜故節度使王重榮墓尋辟其
 子瓚為節度判官請故相張濬為重榮撰碑帝自中和
 初歸唐首依重榮至是思其舊德故恩禮若是永樂大典卷二
 千七百九十五 七月甲寅帝東還梁郊十月戊戌奉密詔赴長

臣

安是時朝廷既誅劉季述以韓全誨張弘彥為兩軍中
 尉袁易簡周敬容為樞密使是時軍國大政專委宰相
 崔胤每事裁抑宦官宦官側目胤一日於便殿奏欲盡
 去之全誨等屬垣聞之嘗于昭宗前祈哀自訴自是昭
 宗勅胤每有密奏令進囊封全誨等乃訪京城美婦人
 十數以進使求宮中陰事昭宗不悟胤謀漸泄中官視
 胤皆刻以重賂甘言誘藩城以為城社時因讌聚則相
 向流涕時胤掌三司貨泉全誨等教禁兵伺胤出聚而
 呼譟訴以冬衣減損又于昭宗前訴之昭宗不得已罷
 胤知政事案舊唐書十一月壬子出幸鳳翔甲戌崔胤

一月甲戌崔胤罷是未幸鳳翔以胤怒急召帝請以兵
前崔胤未罷知政事也與薛史異胤怒急召帝請以兵
入輔故有是行戊申行次河中同州留後司馬鄴華之
幕吏也舉郡來降辛亥駐軍于渭濱華帥韓達遣使奉
牋納款又以銀三萬兩助軍是日行次零口癸丑間長
安亂昭宗為閣官韓全誨等劫遷西幸鳳翔蓋避帝之
兵鋒也翌日遂命旋師夕次于赤水乙卯大軍集于華
州城下韓達惶駭失措即以城降丙辰帝表達權知忠
武軍事促令赴任案自丙辰至促令赴任又見通鑑考異與冊府元龜同同華二
州平是時唐太子太師盧知猷等二百六十三人列狀
請帝速請迎奉己未遂帥諸軍發自赤水壬戌次于咸

陽偵者云天子昨暮至岐山旦日宋文通扈蹕入其闈
矣是時岐人遣大將符道昭領兵萬人屯于武功以拒
帝帝遣康懷英敗之擄甲士六千餘衆乙丑次于岐山
文通遣使奉書自陳其失請帝入觀丙辰及岐圍文通
渝約閉壁不獲通復次于岐山是時昭宗累遣使齎朱
書御札賜帝遣帝收軍還奉道帝診之曰此必文通全
誨之謀也皆不奉詔癸酉飛章奏辭且移軍北伐乙亥
至邠州節度使李繼徽舉城降繼徽因請去文通所賜
李姓復本宗楊氏又請納其帑以為質帝皆從之仍易
其名曰崇本邠州平己丑唐丞相崔胤京兆尹鄭元規

連

至華州以連迎秦為請許之

案舊唐書十二月已卯崔

鳳翔通鑑作癸未至三原薛

史又作己丑與舊唐書異二年正月帝復次于武功

岐人堅壁不下乃迴軍于河中二月聞晉軍大舉南下

聲言來援鳳翔帝遣朱友寧帥師會晉州刺史氏叔琮

以禦之帝以大軍繼其後三月友寧叔琮與晉軍戰于

晉州之北大敗之生擒克用男廷鸞帝喜謂左右曰此

岐人之所恃也今既如此岐之變不久矣四月岐人遣

符道昭領大軍屯于號縣康懷英帥驍騎敗之丁酉唐

丞相崔胤自華來謁帝履述艱運危急事不可緩又慮

羣閹擁昭宗幸蜀且告帝帝為動容胤將辭啟宴于府

屢

署帝舉酒胤情激于哀因自持樂板聲曲以侑酒帝甚

悅座中以良馬珍玩之物賚既行命諸將繕戎具五月

丁巳帝復西征六月丁丑次于號縣癸未與岐軍大戰

自辰至午殺萬餘衆擒其將校數百人乘勝遂逼其壘

案舊唐書五月岐軍出戰大敗于武功南之漢谷新唐

書五月丙申李茂貞及朱全忠戰于武功敗績與薛史

異七月丙午岐軍復出求戰帝軍不利是月遣孔勅帥

師取鳳隴成三州皆下之是時岐人相率結寨于諸山

以避帝軍帝分兵以討浹旬之內并平之冊府元龜卷

九月甲戌帝以岐軍諸寨連結稍盛因親統千騎登高

診之時秋空澄霽煙靄四絕忽有紫雲如霞蓋凝于龍

織

旌之上久之方散觀者咸訝之永樂大典卷三千二百八是時帝以

岐人堅壁不戰且慮師老思欲旋旆以歸河中因密召

上將數人語其事時親從指揮使高季昌獨前出抗言

曰天下雄傑窺此舉者一歲矣今岐人已困願少俟之

帝喜其言因曰兵法貴以正理以奇勝者詐也乘機集

事必由是乎乃命季昌密募人入岐以給之尋有騎士

馬景堅願應命且曰是行也必無生理願錄其孥帝悽

然止其行景固請乃許之明日軍出案此夢瑣言時因朱友倫總騎軍且

至將大出兵逐之諸寨屏匿如無人景因躍馬西走直叩岐闥

詐以軍怨東遁為告且言列寨尚留萬餘人俟夕將遁

北

矣宜速掩之李茂貞信其言遽啟二扉悉眾來寇時諸

案李茂貞即宋文通此山紀前後互異蓋仍當軍檄之文未及改從畫一

知其數茂貞繇是喪胆但閉壁而已十一月癸卯廊帥

李周彝統兵萬餘人屯于岐之北原與城中舉烽以相

應翌日帝以周彝既離本部廊時必無守備因命孔勅

乘虛襲下之甲寅廊州平周彝聞之收軍而遁案舊唐

月癸酉汴將孔勅乘虛襲下廊州獲周彝妻子周彝即

以兵士來降新唐書十二月己亥朱全忠陷廊州保大

軍節度李茂勳叛附于全忠考茂勳即周茂貞既失廊

州之援愕然有瓦解之思繇是議還營蹕誅闍寺以自

旌之上久之方散觀者咸訝之永樂大典卷三千二百八是時帝以

岐人堅壁不戰且慮師老思欲旋旆以歸河中因密召

上將數人語其事時親從指揮使高季昌獨前出抗言

曰天下雄傑窺此舉者一歲矣今岐人已困願少俟之

帝喜其言因曰兵法貴以正理以奇勝者詐也乘機集

事必由是乎乃命季昌密募人入岐以紿之尋有騎士

馬景堅願應命且曰是行也必無生理願錄其孥帝悽

然止其行景固請乃許之明日軍出案此夢瑣言時因

至將大出諸寨屏匿如無人景因躍馬西走直叩岐圍

詐以軍怨東遁為告且言列寨尚留萬餘人俟夕將遁

矣宜速掩之李茂貞信其言遽啟二扉悉眾來寇時諸

將以介馬待之中軍一鼓百營俱進又分遣數騎以據

其圍岐人進不能駐其趾退不能入其壘殺戮蹂踐不

知其數茂貞繇是喪胆但閉壁而已十一月癸卯鄜帥

李周彝統兵萬餘人屯于岐之北原與城中舉烽以相

應翌日帝以周彝既離本部鄜時必無守備因命孔勅

乘虛襲下之甲寅鄜州平周彝聞之收軍而遁案舊唐

月癸酉汴將孔勅乘虛襲下鄜州獲周彝妻子周彝即

以兵士來降新唐書十二月己亥朱全忠陷鄜州保大

軍節度李茂勳叛附于全忠考茂勳即周彝也薛史統作十一月事與新舊唐書異茂貞既失鄜

州之援愕然有瓦解之悲繇是議還警蹕誅闍寺以自

贖馬冊府元龜卷一百八十七三年正月甲寅岐人啟壁唐昭宗降

使宣問慰勞兼傳密旨尋又命翰林學士韓渥趙國夫

人寵顏齋詔狎賜帝紫金酒器御衣玉帶永樂大典卷一萬四千四

百丙辰華州留後李存審遣飛騎來告青州節度使王

師範遣牙將張厚輦甲冑弓槊詐言來獻欲盜據州城

事覺已擒之矣是日師範又遣其將劉鄩盜據兖州劉

鄩兖州新舊唐書俱作丙午薛史作丙辰與唐書異丁巳昭宗遣中使押送軍

容使韓全誨已下三十餘人首級以示帝甲子昭宗發

離鳳翔幸左劍寨樵駐蹕帝營帝素服待罪昭宗命學

士傳宣免之帝即入見稱罪拜伏者數四冊府元龜卷一百八十七

既而促召升殿密通御座且曰宗廟社稷是卿再造朕

與戚屬是卿再生因解所御玉帶面以賜帝帝亦以玉

鞍勒馬金銀器紋錦御饌酒菓等躬自拜進焉永樂大典卷一

萬五千及翠華東行帝匹馬前導十餘里宣令止之已

已昭宗至長安謁太廟御長樂樓禮畢謂帝曰朕生入

舊京是卿之力也自古救君之危曾無有如是者况今

日再及清廟得親奉觴酒奠于先皇帝室前卿之德朕

知不能報矣即召帝執手聲淚俱發者久之翌日誅官

官第五可範等五百餘人于內侍省二月庚辰制以帝

為守太尉兼中書令宣武宣義天平護國等軍節度使

休

即

諸道兵馬副元帥加食邑三千戶實封四百戶仍賜回
 天再造竭忠守正功臣戊戌帝建旆東還昭宗御延喜
 樓送之既醉遣內臣賜帝御製楊柳詞五首三月戊午
 至大梁時以青州未平命軍士澣以俟東征四月丙子
 巡師于臨朐亟命逼其城與青州兵戰於城下大敗之
 是夕淮將王景仁以所部援軍宵遁帝遣楊師厚追及
 輔唐殺千人乘勝攻下密州八月戊辰以伐叛之柄委
 于楊師厚帝乃東還九月癸卯師厚率大軍與王師範
 戰于臨朐青軍大敗殺萬餘人并擒師範弟師克卯時
 徙寨以逼其城辛亥偏將劉重霸擒棣州刺史邵播來

獻播師範之謀主也帝命斃之戊午師範舉城請降業

師範之降舊唐書作十一月丁酉朔新唐書從薛史作十月戊午青州平翼日分命將

校畧地于登萊淄棣等州皆下之繇是東漸至海皆為

梁土也帝復命師範權知青州軍州事師範乃請以錢

二十萬貫犒軍帝許之十月辛巳護駕都揮指使朱友

倫因擊鞠墮馬卒于長安訃至帝怒以為唐室大臣欲

謀叛以致友倫暴死業九國志趙在隱傳云在隱始事

董璋等十數人皆追赴汴州知其無過竟釋不問考歐陽史及通鑑並作非友倫而九國志以為友亮蓋傳聞

之十一月丁酉青將劉鄩舉兗州來降鄩王師範之將

也師範令竊據兗州久之及聞師範降鄩乃歸命帝以

鄴善事其主待之甚厚尋署為元帥府都抽牙權知廊
 州留後天祐元年正月己酉帝發自大梁西赴河中央
 師聞之為之震息是時將議迎駕東幸洛陽慮唐室大
 臣異議帝乃密令護駕都指揮使朱友諒矯昭宗命收
 宰相崔胤京兆尹鄭元規等殺之案歐陽史云遣朱友諒殺胤者乃友諒非友諒也歐陽史家人傳亦作友諒與梁本紀不同曾三異嘗校正
 又邠岐兵士侵逼京畿帝因是上表堅請昭宗
 幸洛昭宗不得已而從之帝乃率諸道丁匠財力同構
 洛陽宮不數月而成二月乙亥昭宗駐蹕于陝帝自河
 中來覲謁見行營因灑涕而言曰李茂貞等竊謀禍亂

將迫乘輿老成無狀請陛下東遷為社稷大計也昭宗
 命延于寢室見何后皇面賜酒器及衣物何后謂帝曰
 此後大家夫婦委身于全忠矣因欷歔泣下後數日帝
 開宴于陝之私第請駕臨幸翼日帝辭歸洛陽昭宗開
 內宴時有宮人與昭宗附耳而語韓建躡帝之足帝遽
 出以為圖已因連上章請車駕幸洛三月丁未昭宗制
 以帝兼判左右神策及六軍諸衛事是時昭宗累遣中
 使及內夫人傳宣謂帝曰皇后方在草蓐未任就路欲
 以十月幸洛帝以陝州小藩非萬乘久留之地期以四
 月內東幸閏月丁酉昭宗發自陝郡壬寅次于穀水是

時昭宗左右唯小黃門及打毬供奉內園小兒二百餘人帝猶忌之是日密令醫官許昭遠告變乃設饌于別幄召而殺之皆坑于幕下先是

十國春秋吳世家二月丁

帝遣間使以絹詔告難于我及西

川河東等令糾率藩鎮以圖匡復詔有云朕至洛陽則為全忠所

幽閉詔赦皆出其手朕意不得復通矣

幽閉詔赦皆出其手朕意不得復通矣

導駕入宮乙卯昭宗以帝為宣武宣義護國忠武四鎮

節度使時帝請以鄆州授張全義故有此命五月丙寅昭宗宴群臣曰昨來御樓前一夜亡失救書賴梁王叔得副本不然誤事宰執不得無過矣是日宴次昭宗入

內召帝于內殿曲宴帝不測其事不敢奉詔又曰卿不欲來即令敬翔入來帝密遣翔出乃止己巳奉辭東歸乙亥至大梁六月帝遣都將朱友裕率師討鄆州節度使楊崇本叛故也癸丑帝西征遂朝于洛陽七月甲子昭宗宴帝于文思鞠場乙丑帝發東都壬申至河中八月壬寅昭宗遇弒于大內遺制以輝王祝為嗣乙巳帝自河中引軍而西癸丑次于永壽邠軍不出九月辛未班師十月癸巳至洛陽詣西內臨于梓宮前祇見于嗣君辛丑制以案原本帝至自西征十一月辛酉光州遣使來求援時光州歸款於帝尋為淮人所攻故來乞師

四	三	二	一
十	九	八	七
六	五	四	三
二	一	十	九

時昭宗左右唯小黃門及打毬供奉內園小兒二百餘人帝猶忌之是日密令醫官許昭遠告變乃設饌于別幄召而殺之皆坑于幕下先是選二百餘人形貌大小一如內園人物之狀至是使一人擒二人縊于坑所即蒙其衣及戎具自飾昭宗初不能辨久而方察自是昭宗左右前後皆梁人矣甲辰車駕至洛都帝與宰相百導駕入宮乙卯昭宗以帝為宣武宣義護國忠武四鎮節度使時帝請以鄆州授張全義故有此命五月丙寅昭宗宴群臣曰昨來御樓前一夜亡失救書賴梁王叔得副本不然誤事宰執不得無過矣是日宴次昭宗入內召帝于內殿曲宴帝不測其事不敢奉詔又曰卿不欲來即令敬翔入來帝密遣翔出乃止己巳奉辭東歸乙亥至大梁六月帝遣都將朱友裕率師討邠州節度使楊崇本叛故也癸丑帝西征遂朝于洛陽七月甲子昭宗宴帝于文思鞠場乙丑帝發東都壬申至河中八月壬寅昭宗遇弒于大內遺制以輝王祝為嗣己巳帝自河中引軍而西癸丑次于永壽邠軍不出九月辛未班師十月癸巳至洛陽詣西內臨于梓宮前祇見于嗣君辛丑制以案原本有闕文帝至自西征十一月辛酉光州遣使來求援時光州歸款於帝尋為淮人所攻故來乞師

戊寅帝南征渡淮次于霍丘大掠廬壽之境淮人乃棄
光州而去二年正月庚申進攻壽州壽人堅壁不出丁

亥帝自霍丘班師二月辛卯帝至自南征甲午青州節
度使王使範至大梁帝待以賓禮尋表授河陽節度使

七月辛酉天子賜帝迎鑿紀功碑樹于洛陽庚午遣大
將軍楊師厚率前軍討趙匡疑于襄州辛未帝南征表

趙匡疑罪狀削奪官爵案舊唐書八月丁未制削奪荆
襄節度使趙匡疑在身官爵十

一月削奪荆南留後趙匡疑官爵蓋匡疑官爵因全忠
表奏而削奪匡明官爵至奔蜀後始追奪也

八月楊師厚進收唐鄧復郢隨均房等七州帝駐軍漢
江北自循江干經暖濟師之所九月甲子師厚於陰谷

江口造梁以濟師趙匡疑率兵二萬振于江濱師厚麾

兵進擊襄人大敗殺萬餘衆乙丑趙匡疑焚其州舟率親

軍載輕舸沿漢而遁丙寅帝濟江至中流舟壞將沒數

比及岸舟沉是日入襄城帝因周視府署其帑藏悉空

唯于西廡下有一亭窻戶儼然扃鎖甚密遂令破鎖啟

扉中有一大匱緘鑄甚重又令破其匱內有金銀數百

錠帝因歎曰亂兵既入公私財貨固無子遺矣此帑當

有陰物主之不令常人所得俟我以有之邪遂以百餘

錠賜楊師厚襲荊州留後趙匡明棄城上峽奔蜀荆襄

二州平帝以都將賀瓌權領荊州楊師厚權領襄州即

表其事十月丙戌朔天子以帝為諸道兵馬元帥辛卯
帝自襄州引軍由光州路趨淮南將發敬翔切諫請班
師以全軍勢帝不聽壬辰次于棗陽遇之曰負且甲

十國春秋柴再用抄其後軍斬首三千級獲輜重萬計	師友雜誌朱全忠嘗與僚佐及遊客坐于大柳之下全忠獨言曰	此樹宜為車轂眾莫應有遊客數人起應曰宜為車轂全忠勃然	厲聲曰書生輩好順口玩人皆此類也車須用夾轂柳木豈可為	之顧左右曰尚何待左右數十人梓言為車轂者悉撲殺之
-----------------------	---------------------------	---------------------------	---------------------------	-------------------------

義保義武昭武定泰寧平盧匡國武寧忠義荆南等二
十一道為魏國案以二十一道為魏國薛史止載十九道薛史
載闕進封帝為魏王入朝不趨劍履上殿讚拜不名名兼

脩九錫之命癸未唐中書門下奏中書已送相國中書
公事權用中書省印甲申中書門下奏天下州縣名與
相國魏王家諱同者請易之十二月乙酉朔帝讓相國
魏王九錫之命丙戌京百司各差官齋本司須知孔目
並印赴魏國送細甲午天子以帝堅讓九錫之命乃命
宰相柳燦來使且述揖讓之意焉丁酉帝又讓九錫之
命詔畧曰但以鴻名難掩懿實須宜且徇于奏陳未便
行於典冊又改諸道兵馬元帥為天下兵馬元帥是時
帝以唐朝百官服飾多闕乃製造逐色衣服請朝廷等
第賜之其所給俸錢仍請自來年正月全支三年正月

日	廿	辛	酉	十
日	廿	壬	戌	十一
日	廿	癸	亥	十二
日	廿	甲	子	十三
日	廿	乙	丑	十四
日	廿	丙	寅	十五
日	廿	丁	卯	十六
日	廿	戊	辰	十七
日	廿	己	巳	十八
日	廿	庚	午	十九
日	廿	辛	未	二十

表其事十月丙戌朔天子以帝為諸道兵馬元帥辛卯
 帝自襄州引軍由光州路趨淮南將發敬翔切諫請班
 師以全軍勢帝不聽壬辰次于東陽遇大雨頗阻師行
 之勢軍至壽春壽春人豎壁清野以待帝乃還舍于正
 陽十一月丙辰大軍北濟帝至汝陰深悔淮南之行躁
 煩尤甚丁卯帝至自南征辛巳天子命帝為相國總百
 揆以宣武宣義天平護國天雄武順佑國河陽義武昭
 義保義武昭武定泰寧平盧匡國武寧忠義荆南等二
 十一道為魏國案以二十一一道為魏國薛史止載十九道薛史
 載闕進封帝為魏王入朝不趨劍履上殿讚拜不名名兼

納 索

備九錫之命癸未唐中書門下奏中書已送相國中書
 公事權用中書省印甲申中書門下奏天下州縣名與
 相國魏王家諱同者請易之十二月乙酉朔帝讓相國
 魏王九錫之命丙戌京百司各差官齎本司須知孔目
 並印赴魏國送細甲午天子以帝堅讓九錫之命乃命
 宰相柳燦來使且述揖讓之意焉丁酉帝又讓九錫之
 命詔畧曰但以鴻名難掩懿實須宜且徇于秦陳未便
 行於典冊又改諸道兵馬元帥為天下兵馬元帥是時
 帝以唐朝百官服飾多闕乃製造逐色衣服請朝廷等
 第賜之其所給俸錢仍請自來年正月全支三年正月

幽滄稱兵將寇於魏魏人來乞師且以牙軍矯悍謀欲
 誅之遣親吏臧延範密告於帝帝陰許之乙丑北征先
 是帝之愛女遼羅氏是月卒于鄴城因以兵杖數千事
 實於橐中遣客將馬嗣勳領長直軍千人雜以工匠丁
 夫肩其橐而入于魏聲言為帝女設祭魏人信而不疑
 庚午夜嗣勳率其衆與羅紹威親軍數百人同攻牙軍
 遲明盡殺之殺者七千餘人洎於嬰孺亦無留者是日
 帝次于內黃聞之馳騎至魏時魏之大軍方與帝軍同
 滄州聞牙軍之死即時奔還帝之軍追及厯亭殺賊絕
 千餘衆乃擁大將史仁遇保於高唐帝遣兵圍之是月

天子詔河南尹張全義部署修制相國魏王法物三月
 甲寅天子命帝總明監鐵度支戶部等三司事帝再上
 章切讓之乃止四月癸未攻下高唐軍民無少長皆殺
 之生擒逆首史仁遇以獻帝支解之未幾又攻下澶博
 貝衛等州皆為魏軍殘黨所據故也是時晉人圍邢州
 刺史牛存節堅壁固守帝遣符道昭帥師救之晉人乃
 遁去五月帝畧地於洺州既而復入于魏七月己未自

魏班師案通鑑考異引編遺錄作七月癸未上起兵離魏都七月壬子朔無癸未編遺錄誤也今考癸

未乃己未是日收復相州自是魏境悉平壬申帝歸自

魏八月甲辰以滄州未平復命北征冊府元龜卷九十一百八十七九月

恍

丁未營于長蘆一夕帝夢白龍附於兩肩左右瞻顧可

畏悅然驚寤

永樂大典卷一萬五千二百七十

十月辛巳邠州楊崇本

以鳳翔邠寧涇廊秦隴之衆合五六萬來寇屯於美原

列十五寨其勢甚盛帝命同州節度使劉知俊都將康

懷英帥師禦之知俊等大破邠寇殺二萬餘衆奪馬三

千餘匹擒其列校百餘人楊崇本胡章僅以身免

案新唐書

九月乙亥匡國軍節度使劉知俊陷坊州十月十一月

庚戌懷英乘勝進軍遂收廊州十二月乙丑帝以文武

叅官每月一五九日赴朝奏請備廊食詔從之遂自長

蘆班師

案以上疑有關文据舊唐書哀帝紀戊辰李克用與幽州之衆同攻潞州全忠守將丁會以澤

滋降太原克用以其子嗣昭為留後甲戌全忠燒長蘆營旋軍聞潞州陷故也以寨內糶糧山

積帝命焚之滄帥劉守文以城中絕食因致書于帝乞

留餘糧以救饒民帝為留十餘困以與之冊府元龜卷一百八十七

案容齋續筆滄州遠師悉焚諸營資糧在舟中者鑿而沉之劉守文遣全忠書曰城中數萬口不食數月矣

與其焚之為煙沉之為泥願乞其所餘以救之全忠為之留數困滄人賴以濟洪氏所述與冊府元龜畧同惟

留十餘困與留數困微異

舊五代史

舊五代史卷三

宋司空同中書門下平章事薛居正等撰

太祖紀第三

梁書三

開平元年正月丁亥帝迴自長蘆次于魏州節度使羅
 紹威以帝迴軍慮有不測之患由是供億甚至因密以
 天人之望切陳之帝雖拒而不納然心德之冊府元龜卷一百八
 壬寅帝自長蘆是日有慶雲覆於府署之上冊府元龜卷二
 甲辰天子遣御史大夫薛貽矩來傳禪代之意永樂大典
 貽矩謁帝陳北面之禮帝揖之升階貽矩曰
 殿下功德及人三靈所卜已定皇帝方議裁詔行舜禹

之事臣安敢違既而拜伏于砌下帝側躬以避之冊府元龜

卷一百一十七二月戊申帝之家廟棟間有五色芝生焉狀若

芙蓉紫煙蒙護數日不散又是月家廟第一室神主上

有五色衣自然而生識者知梁運之興矣永樂大典卷一萬七千一

百六十七唐乾符中木星入南斗數夕不退諸道都統晉國

公王鐸觀之問諸知星者吉凶安在咸曰金火土犯斗

即為災唯木當為福耳或亦然之時有術士邊岡者洞

曉天文博通陰陽歷教之妙窮天下之奇秘有先見之

明雖京房管輅不能過也鐸召而責之曰岡曰惟木為

福神當以帝王占之然則非福于今必當有驗于後未

質

敢言之請他日證其所驗一日又密召岡因堅請語其

詳至于三四岡辭不獲鐸乃屏去左右岡曰木星入斗帝

王之兆也木在斗中朱字也以此觀之將來當有朱氏

為君者也天戒之矣且木之教三其禎也應在三紀之

內乎鐸聞之不復有言冊府元龜卷二百三天后朝有讖辭云首

尾三鱗六十年兩角犢子自狂顛龍蛇相鬪血成川當

時好事者解云兩角犢子牛也必有牛姓干唐祚故周

子諒彈牛仙客李德裕謗牛僧孺皆以應圖讖為辭然

朱字牛下安八八即角之象也故朱洎朱泚構喪亂之

禍莫無妄之福豈知應之帝也永樂大典卷一萬九千三百九十六四月

唐帝御札宰相臣張文蔚等備法駕奉迎梁朝通鑑考異

宋州刺史王臯進赤鳥一雙又宰臣張文蔚正押傳國引薛史

寶玉冊金寶及文武羣官諸司儀仗法物及金吾左右

二軍離鄭州丙辰達上源驛是日慶雲見冊府元龜卷二百三

令曰王者創業興邦立名傳世必難知而示訓從易避

以便人案原本有闕文或稽其符命應彼開基之義垂諸象德

之言爰考簡書求於往代周王昌發之號漢帝詢衍之

文或從一德以徽稱或為二名而更易先王令典布在

縑緗寘人本名兼于二字且異帝王之號仍兼避易之

難郡職縣官多須改換况宗廟不遷之業憲章百世之

規事叶典儀豈憚草易寡人今改名晃是以天意雅符

于明德日光顯契於瑞文昭融萬邦理斯在是庶順玄

穹之意永臻康濟之期宜令有司分告天地宗廟其舊

名中外章疏不得更有迴避冊府元龜卷二百八十二時將受禪下

教以本名二字異帝王之稱故改名通鑑注引薛史己未賜文

武百官一百六十人本色衣一副冊府元龜卷一百九十七戊辰即

位制曰王者受命于天光宅四海祇事上帝寵綏下民

草故鼎新諒歷數而先定創業垂統和圖錄以無差神

器所歸祥符合應是以三正互用五運相生前朝廷道

消中原政散瞻烏莫定失鹿難追朕經緯風雷沐浴霜

知

露四征七伐垂三十年糾合齊盟翼載唐室隨山刊木
罔憚胼胝投袂揮戈不遑寢處洎宣宮之所贊知唐運
之不興莫諧輔漢之謀徒罄事殷之禮唐主知英華已
竭算祀有終釋龜鼎以如遺推劍紱而相授朕懋德弗
嗣執謙允恭避駿命于河南眷清風于潁水而乃列嶽
群后盈廷庶官東西南北之人班白緇黃之衆謂朕功
蓋上下澤放幽深宜應天以順時俾化家而為國拒彼
億兆至于再三且曰七改已齊萬幾難曠勉遵令典爰
正鴻名告天地神祇建宗廟社稷頌惟涼德曷副樂推
慄若履冰懷如馭朽金行啟祚玉曆建元方弘經始之

規宣布維新之令可改唐天祐四年為開平元年國號
大梁書載虞賓斯為令範詩稱周客蓋有明文是用先
封以禮後嗣宜以曹州濟陰之邑奉唐主封為濟陰王
凡曰軌儀並遵故實姬庭多士此是殷臣楚國羣材終
為晉用歷觀前載自有通規但遵故事之文勿替在公
之効應是唐朝中外文武舊臣見任前資官爵一切仍
舊凡百有位無易厥章陳力濟時盡瘁事我古者興王
之地受命之邦集大勳有異庶方沾慶澤所宜加等故
豐沛著啟祚之美穰鄧有建都之榮用壯鴻基且旌故
里爰令遵典先示殊恩宜升汴州為開封府建名東都

五代會要	四月	改京兆府為大安府	長安縣為大安縣	萬年縣為
大年縣仍置	佑國軍節度使	額始命韓建為佑國軍節度使		

詣

位于梁以揖中書令張文蔚為冊禮使禮部尚書蔣循副之揖侍中楊涉為押傳國使翰林院學士張策副之御史大夫薛貽矩為押金使尚書左丞趙光逢副之帥百官備法駕諸大甲子張文蔚楊涉乘輅自上源驛至廷冊寶諸司各備儀衛鹵簿前導百官送其後至金祥殿前陳之王被衣冕即皇帝位張文蔚獲循奉冊升殿進讀楊涉張策薛貽矩趙光逢以資奉冊升殿讀已降帥百官舞蹈稱賀帝遂與文蔚等宴于元德殿帝舉酒曰朕輔政未久此皆諸公推戴之力文蔚等慙懇俯伏不能對獨種循薛貽矩及刑部尚書張禕盛稱帝功德宜應天順人案朱果篡位之事薛史應為詳載今全篇不可得見謹附錄通鑑于此 宋州刺史王舉進兩岐麥陳州袁象先進白兔一付史館編錄兼示百官冊府元龜卷二百二詔在京同及諸軍州縣印一例鑄

換其篆文則各如舊冊府元龜卷一百九十一辛未武安軍節度使馬殷進封楚王冊府元龜卷一百九十六以太府卿敬翔知崇政院翔與帷幄之謀故首擢焉永樂大典卷一萬二千一百十三追尊四代廟號高祖妣州府君上謚曰宣元皇帝廟號肅祖太廟第一室陵號興極陵祖妣高平縣君范氏追謚宣僖皇后皇曾祖宣惠王上謚曰光獻皇帝廟號敬祖第二室陵號永安祖妣秦國夫人楊氏追謚光孝皇后皇祖武元王上謚曰昭武皇帝廟號憲祖廟號第三室陵號光天祖妣吳國夫人劉氏追謚昭懿皇后皇考文明皇上謚曰文穆皇帝廟號烈祖第四室陵號咸寧皇妣晉國太夫人

國	史	記	卷	第	一
通	鑑	綱	目	卷	第
卷	第	一	百	四	十
九	十	九	十	九	十
十	九	十	九	十	九
九	十	九	十	九	十
十	九	十	九	十	九
九	十	九	十	九	十
十	九	十	九	十	九
九	十	九	十	九	十

詣

其東都改為西都仍廢京兆府為雍州佑國軍節度使

是日大酺賞賜有差永樂大典卷五千一百四十九。案通鑑甲辰唐昭宣帝降御札禪

位于梁以相中書令張文蔚為冊禮使禮部尚書蔣循

副之揖侍中楊涉為押傳國使翰林院學士張策副

之御史大夫薛貽矩為押金使尚書左丞趙光逢副

之帥百官備法駕諸大梁甲子張文蔚楊涉乘輅自上

源驛至從冊寶請司各備儀衛鹵簿前導百官從其後

至金祥殿前陳之王被衣冕即皇帝位張文蔚獲循奉

冊升殿進讀楊涉張策薛貽矩趙光逢以資奉寶升殿

讀已降帥百官舞蹈稱賀帝遂與文蔚等宴于元德殿

帝舉酒曰朕輔政未久此皆諸公推載之力文蔚等慙

懇俯伏不能對獨種循薛貽矩及刑部尚書張禕盛稱

帝功德宜應天順人案朱梁篡位之事薛史應宋州刺

為詳載今全篇不可得見謹附錄通鑑于此

史王臯進兩岐麥陳州袁象先進白兔一付史館編錄

兼示百官冊府元龜卷二百二詔在京同及諸軍州縣印一例鑄

換其篆文則各如舊冊府元龜卷一百九十一辛未武安軍節度使

馬殷進封楚王冊府元龜卷一百九十六以太府卿敬翔知崇政院

翔與帷幄之謀故首擢焉永樂大典卷一萬二千一百十三追尊四代

卷第

人王氏追謚文惠皇后冊府元龜卷一百八十九以宣武節度副使

皇子友文為開封尹判建昌院事友文本康氏子也帝

養以為子永樂大典卷一萬二千一百十三是月制宮殿門及都門名

額正殿為崇元殿東殿為元德殿內殿為金祥殿萬歲

堂為萬歲殿門如殿名冊府元龜卷一百八十六帝自謂以金德王

又以福建上獻鸚鵡諸州相繼上白鳥白兔白蓮之

合蒂者以為金行應運之兆故名殿曰金祥通鑑注以引薛史

大內正門為元化門皇廡南門為建國門滴漏門為啟

運門下馬門為升龍門元德殿前門為崇明門正殿東

門為金烏門西門為玉兔門正衙東門為崇禮門東偏

門為銀臺門宴堂門為德陽門天王門為賓天門皇廡

東門為寬仁門後儀門為厚載門皇廡西門為神獸門

望京門為金鳳門宋門為觀化門尉氏門為高明門鄭

司為周明門梁綱為乾象門酸枣門為興和門封丘門

五代會要	四月	改左右長直為左右龍虎軍	左右內衙為左右羽
林軍	左右	堅銳夾馬突將為左右神武軍	左右親隨軍將馬軍為
左右龍驤軍			

張文蔚楊涉冊府元龜卷一百九十九帝初受禪求理尤

矩為中書侍郎平章事冊府元龜卷一百九十九帝初受禪求理尤

切委宰臣搜訪賢良或有在下位抱負器業久不得伸

者特加擢用有明政理得失之道規救時病者可陳章

疏當親鑿擇利害施行然後賞以爵秩有悔跡邱園不

求聞達者令彼長吏備禮邀致無遺逸之恨冊府元龜卷二百一十

進封河南尹兼河陽節度使張全義為魏王兩浙節度

使錢鏐進封吳越王冊府元龜卷一百九十六辛巳有司奏以降誕

之日為大明節休假前後各一日永樂大典卷一萬六千一百八十七壬

午保義軍節度使朱友謙進百官衣二百副冊府元龜卷一百六

七乙酉立皇兄全昱為廣王皇子友丈為博王友珪為

郢王友璋為福王友雍為賀王友徽為建王永樂大典卷一萬六

千六百二十八。案歐陽史封姓友諒衡王友能惠王友誨即王辛卯以東都舊第為建

昌宮改判達昌官事為建昌宮使永樂大典卷一萬一千一百十三初

宮院

帝創業之時以四鎮兵馬倉庫籍繁因總置建昌院以

領之至是改為宮蓋重其事也通鑑注甲午詔天下管

屬及州縣官名犯廟諱者各宜改換城門郎改為門局

郎茂州改為汶州桂州慕化縣改為歸化縣潘州茂名

縣改為越崇縣冊府元龜卷一百八十九案魏秦東

州北而韋城相城胙城等縣但呼韋詔樞密院宜加為

思院為乾文院同和院改為佐鸞院以西都水北宅為

大昌宮冊府元龜卷一百九十六廢雍州太清宮改西都太微宮毫

州太清宮皆為觀諸州紫極宮皆為老君廟冊府元龜卷一百九

裳

儀

五代會要五月改御食使為司膳使小馬坊使為天驥使

疏當親鑿擇利害施行然後賞以爵秩有悔跡邱園不

求聞達者令彼長吏備禮邀致無遺逸之恨冊府元龜卷二百一十

進封河南尹兼河陽節度使張全義為魏王兩浙節度

使錢鏐進封吳越王冊府元龜卷一百九十六辛巳有司奏以降誕

之日為大明節休假前後各一日永樂大典卷一萬六千一百八十七壬

午保義軍節度使朱友謙進百官衣二百副冊府元龜卷一百六

七乙酉立皇兄全昱為廣王皇子友文為博王友珪為

郢王友璋為福王友雍為賀王友徽為建王永樂大典卷一萬六

千六百二十八。案歐陽史封姪友諒衡王友能惠王友誨即王辛卯以東都舊第為建

昌宮改判建昌官事為建昌宮使永樂大典卷一萬三初

宮院

帝創業之時以四鎮兵馬倉庫籍繁因總置建昌院以

領之至是改為宮蓋重其事也通鑑注甲午詔天下管

屬及州縣官名犯廟諱者各宜改換城門郎改為門局

郎茂州改為汶州桂州慕化縣改為歸化縣潘州茂名

縣改為越裳縣冊府元龜卷一百八十九案魏秦東

州北而韋城相城胙城等縣但呼韋縣相縣胙縣蓋沿梁時避諱之舊也詔樞密院宜加為

崇政院以知院事敬翔為院使永樂大典卷一萬二千一百十三改文

思院為乾文院同和院改為佐鸞院以西都水北宅為

大昌宮冊府元龜卷一百九十六廢雍州太清宮改西都太微宮毫

州太清宮皆為觀諸州紫極宮皆為老君廟冊府元龜卷一百九

裳

儀

十泉州僧智宣自西域回進辟支佛骨及梵夾經律永樂大典卷二萬一千一百七十五丙申御元德殿宴犒諸軍使劉捍符道

昭以下賜物有差是月青州許州定州三鎮節度使請內開宴各賜方物永樂大典卷一萬六千七百四十六以青州節度使韓

建守司徒平章事帝以建有文武材且詳于稼穡利害軍旅之事籌度經費欲盡詢焉恩澤特異於時罕有比

者隨拜為上相賜賚甚厚冊府元龜卷一百九十九宿州刺史王儒

進白兔一濮州刺史圖嘉禾瑞麥以進冊府元龜卷二百二廣州

進奇寶名樂品類甚多河南尹張全義進開平元年以

前羨餘錢十萬貫細六千足綿三十萬兩仍請每年上

供定額每歲貢絹三萬足以為常式荆南高季昌進瑞

橘數十顆質狀百味倍勝常貢且橘當冬熟今方仲夏

時人咸異其事因稱為瑞冊府元龜卷一百六十九及

晉人戰于潞城六月辛朝元院宴召宰臣學士及諸道

入貢陪臣永樂大典卷一萬六千七百四十六己亥帝御崇元殿內出追

尊四廟上謚號主冊寶共八副宰臣文武百官儀仗鼓

吹導引至太廟行事祭郊司天監奏日辰內有戊字請

改為武從之冊府元龜卷一百八十九案容齋三筆

乃避梁祖曾祖茂琳諱非以其類成字也雲谷雜記云

辨正之今崇福侯廟碑立于開平二年正作武寅可見當時避癸亥詔以前朝官僚謹逐南荒積年未經昭雪

玉

其間有懷抱材器為時所嫉者深負冤抑仍令錄其名

姓盡復官資兼告諭諸道令津致赴闕如已亡沒並許

歸葬以明恩蕩冊府元龜卷一百九十一以西都徽安門北路逼近

大內宮垣兼非民便令移自榆林直趨端門之南冊府元龜

卷一百改耀州報恩禪院為興國寺冊府元龜卷一百九十四馬殷

奏破淮寇靜海軍節度使曲裕卒七月丙申以靜海軍

五代會要七月敕云建國遷都俾新其制況山河之險表裏為防

今二京俱在關東以內仍以潼關隸陝州復置河潼軍使命虢州

刺史兼領之其月敕改虎牢關為軍仍置虎牢關軍使

以亳州刺史李思安充潞州行營都統冊府元龜卷一百九十九勅

朝廷之儀封冊為重用報勲烈以隆恩榮固合親臨式

光典禮舊章久缺自我復行今後每封冊大臣宜令有

五代會要八月敕云諸道所有軍事申奏令直至右銀臺門委客

省使畫時引進尋常公事依前四方館收接

獻是月隰州奏大寧縣至冊府元龜甲子平明前老人星

黃河清至十月如故冊府元龜卷二百二九月辛丑西京大內放

出兩營內人及前朝宮人任其所適冊府元龜卷一百九十五勅以

近年文武官諸道奉使皆于所在分外停住踰年涉歲

未聞歸闕非唯勞費州郡抑且侮慢國經臣節既虧憲

章安在自今後兩浙福建廣州南安邕容等道使到發

宮

其間有懷抱材器為時所嫉者深負冤抑仍令錄其名
姓盡復官資兼告諭諸道令津致赴闕如已亡沒並許

歸葬以明恩蕩冊府元龜卷一百九十一以西都徽安門北路逼近

大內宮垣兼非民便令移自榆林直趨端門之南冊府元龜

卷一百九十六改耀州報恩禪院為興國寺冊府元龜卷一百九十四馬殷

奏破淮寇靜海軍節度使曲裕卒七月丙申以靜海軍

行營司馬擁知留後曲顯起復為安南都護充節度使

通鑑攷異己亥追尊皇妣為皇太后永樂大典卷一萬七千二百九十六

八月以潞州軍前屯師旅壁壘未收乃別議戎帥于是

以亳州刺史李思安充潞州行營都統冊府元龜卷一百九十九勅

朝廷之儀封冊為重用報勲烈以隆恩祭固合親臨式

光典禮舊章久缺自我復行今後每封冊大臣宜令有

司備臨軒之禮永樂大典卷一萬六千七百五十一甲子平明前老人星

見于南極壬申密州進嘉禾又有合歡榆樹並圖形以

獻是月隰州奏大寧縣至固鎮上下二百里今月八日

黃河清至十月如故冊府元龜卷二百二九月辛丑西京大內放

出兩營內人及前朝宮人任其所適冊府元龜卷一百九十五勅以

近年文武官諸道奉使皆于所在分外停住踰年涉歲

未聞歸闕非唯勞費州郡抑且侮慢國經臣節既虧憲

章安在自今後兩浙福建廣州南安邕容等道使到發

宮

住 住

大字
封鎮東軍侯神祠為
崇福侯

許任一月湖南洪鄂黔桂許任二十日荆襄同雍鎮定
青滄許任十日其餘側近不過三五日凡往來道路據
遠近里數日行兩驛如遇疾患及江湖阻隔委所在長
吏具事由奏聞如或有違當行朝典命御史點檢糾察
以傲慢官冊府元龜卷一百九十一魏博羅紹威二男廷望廷矩年
在幼稚皆有材器帝以其藩屏勲臣之胄宜受非次之
用皆擢為郎恩命既行之後二子亦就班列紹威乃上
章以齒幼未任公事乞免主印宿直從之冊府元龜卷二百一十
浙西奏道門威儀鄭章道士夏隱言焚修精志妙達希
夷推諸輩流實有道業鄭章宜賜號貞一大師仍名元

章隱言賜紫衣

冊府元龜卷一百九十四

十月帝以用軍未暇西幸

文武百官等久居東京漸及疑訝令就便各許歸安只

留韓建薛貽矩翰林學士張策常郊杜曉中書舍人封

舜卿張衮并左右御史司天監宗正等兼要當諸司節

級外其宰臣張文蔚已下文武百官竝先于西京祇候

冊府元龜卷二百五庚午大明節內外臣僚各以奇貨良馬上壽

故事內殿開宴召釋道二教對御談論宣旨罷之命閣

門賜以香合賜宰臣佛寺行香永樂大典卷一萬六千四百八十七駕幸

繁臺講武永樂大典卷一萬六千八百三癸酉御史司憲薛廷珪奏請

文武百官仍舊朝參先是帝欲親征河東命朝臣先赴

黥

圖

雄都至是緩其期乃允所奏宰臣請每月初入閣望日
延英聽政永為常式冊府元龜卷一百七十九山南東道節度使楊

師厚進納趙匡凝東第書籍先是收復襄漢帝閱其圖
書至是命師厚進焉冊府元龜卷一百九十四廣州進獻助軍錢二

十萬又進龍腦腰帶珍珠枕玳瑁香藥等冊府元龜卷一百九十七

十一月壬寅帝以征討未罷調補為先遂命盡赦逃亡

背役黥之人各許歸鄉里冊府元龜卷九十五廣州進龍形通

犀腰帶金托裏含稜玳瑁器百餘副香藥珍巧甚多冊府

元龜卷一百九十七廣南管内獲白鹿竝圖形來獻耳有兩缺按

符瑞圖鹿壽千歲變白耳一缺今驗此鹿耳有二缺其

獸與色皆應金行實表嘉瑞冊府元龜卷一百六十九十二月辛亥

詔曰潞寇未平王師在野攻戰之勢難緩于寇圖飛輓

之勤寔勞于人力永言輟耒深用軫懷宜令長吏丁寧

布告期以兵罷之日給復賦租于是人戶聞之皆忘其

倦冊府元龜卷一百九十四詔故荆南節度使守中書令上谷王周

訥贈太師故武昌軍節度使兼中書令西平王杜洪贈

太傅先是鄂渚再為淮夷所侵攻圍甚急杜洪以兵食

將盡繼來乞師帝料以隔越大江難以赴援兼以荊州

據上游多戰艦去江夏甚通因命汭舉舟師沿流以救

之汭于是引兵東下終及鄂界遇朗州背盟作亂乘江

陵之虛縱兵襲破之俘掠且盡既而汭士卒知之皆頷其家咸無鬪志遂為淮寇所敗將卒潰散汭忿恚自殺于江汭之本姓犯文穆皇帝廟韓至是因追贈以其系出周文故賜姓周氏及汭兵敗之後武昌以重圍經年糧盡力困救援不至訖為淮寇所陷載洪以送淮師遂殺之此二鎮也皆以忠貞歿于王事帝每言諸藩屏翰經綸之業必首痛汭洪之薨至是追贈之深加軫悼各以其子孫宗屬錄用焉冊府元龜卷二百一十棣州蒲臺縣百姓王知嚴妹以亂離併失怙恃因舉哀追感自截四指以祭父母帝以遺體之重不合毀傷言念村閭何知禮教

自今後所在郡縣如有截指割股不用奏聞是年諸道多奏軍人百姓割股青齊河朔尤多帝曰此若因心亦

五代會要十二月于輝州碭山縣置崇德軍太祖榆社在碭山置
使以領之始命朱彥讓為軍使

卷之二十一
忠節

陵之虛縱兵襲破之俘掠且盡既而汭士卒知之皆領其家咸無鬪志遂為淮寇所敗將卒潰散汭忿恚自殺于江汭之本姓犯文穆皇帝廟韓至是因追贈以其系出周文故賜姓周氏及汭兵敗之後武昌以重圍經年糧盡力困救援不至訖為淮寇所陷載洪以送淮師遂殺之此二鎮也皆以忠貞歿于王事帝每言諸藩屏翰經綸之業必首痛汭洪之薨至是追贈之深加軫悼各以其子孫宗屬錄用焉

冊府元龜卷二百一十

棣州蒲臺縣百姓

王知嚴妹以亂離併失怙恃因舉哀追感自截四指以祭父母帝以遺體之重不合毀傷言念村閭何知禮教自今後所在郡縣如有截指割股不用奏聞是年諸道多奏軍人百姓割股青齊河朔尤多帝曰此若因心亦足為孝但苟免徭役自殘肌膚欲以庇身何能療疾竝

宜止絕

冊府元龜卷一百九十一

舊五代史卷四

宋司空同中書門下平章事薛居正等撰

太祖紀第四

梁書四

開平二年正月癸酉帝御金祥殿受宰臣文武百官及諸藩屏陪臣稱賀諸道貢舉一百五十七人見於崇元

門幽州劉守光進海東鷹鷂蕃馬冊府元龜卷一百九

十案五代春秋正月晉王克用薨二月自去冬少雪春深農事方興久

無時雨兼慮有災疾帝深軫下民遂命庶官徧祀於羣

望掩瘞暴露令近鎮案古法以禳祈旬日乃雨永樂大典卷二

千六百三十新唐書昭宣帝紀六云二月遇赦歐陽史作正月己亥

封後子友寧為安王友倫
為密王加在幽州上

大字

卜郊于西都弒濟
帝以上黨未收因議撫巡便往西都
陰王與諸書異

上平聖之豐了下令堯吉中外取三月一日離東京以

五代會要十月以尚書兵部侍郎李皎為建昌宮副使

大字
平未契丹主安巴堅
遣使貢良馬

封尹博王友文為東都留守三月壬申帝親統六軍巡

幸澤潞是日寅時車駕西幸宰臣并要切司局皆扈從

晚次中牟冊府元龜卷二百五下詔以去年六月後昭義行營陣

歿都將吏卒死于王事追念忠赤乃錄其名氏各下本

軍令給養妻孥冊府元龜卷一百九十五丁丑幸

澤州辛巳以同州節度使劉知俊為潞州行營招討使

壬午宴扈駕群臣并勞知俊賜以金帶戰袍寶劍茶藥

永彙大典卷一萬六千七百四十六甲申登東北遇道遙樓蒐閱騎乘旌

甲滿野冊府元龜卷二百十四丙申招討使劉知俊上章請車駕

還東京蓋小郡湫隘非久駐蹕之所達覽帝俞其請冊府元龜卷二百五

有司奏萊國公李從合留三廟于西都選地位建立廟

宇以備四仲祭祀命度支供給以遵彝典冊府元龜卷二百一十二

四月以吏部侍郎于兢為中書侍郎平章事以翰林奉

旨學士張策為刑部侍郎平章事時帝在澤州拜二相

於行在冊府元龜卷一百九十九案通鑑癸巳門下

事楊涉罷為右僕射是拜二相于行在所以代張

文蔚楊涉也梁代避諱改承旨為奉旨通鑑誤作承旨

二

長

皇朝通志卷一百一十五

大字
辛未契丹主安巴堅
遣使貢良馬

卜郊于西都絳濟 帝以上黨未收因議撫巡便往西都

赴郊禋之禮乃下令曉告中外取三月一日離東京以

宰臣韓建權判建昌官事兵部侍郎姚洎為鹵簿使開

封尹博王友文為東都留守三月壬申帝親統六軍巡

幸澤潞是日寅時車駕西幸宰臣并要切司局皆扈從

晚次中年冊府元龜卷二百五 下詔以去年六月後昭義行營陣

歿都將吏卒死于王事追念忠赤乃錄其名氏各下本

軍令給養妻孥冊府元龜卷一百九十五 丁丑幸

澤州辛巳以同州節度使劉知俊為潞州行營招討使

壬午宴扈駕群臣并勞知俊賜以金帶戰袍寶劍茶藥

永彙大典卷一萬六千七百四十六 甲申登東北遇逍遙樓蒐閱騎乘旌

甲滿野冊府元龜卷二百十四 丙申招討使劉知俊上章請車駕

還東京蓋小郡湫隘非久駐蹕之所達覽帝俞其請冊府元龜卷二百五 以鴻臚卿李從唐室宗屬封萊國公為二王後

有司奏萊國公李從合留三廟于西都選地位建立廟

宇以備四仲祭祀命度支供給以遵彝典冊府元龜卷二百一十二

四月以吏部侍郎于兢為中書侍郎平章事以翰林奉

旨學士張策為刑部侍郎平章事時帝在澤州拜二相

於行在冊府元龜卷一百九十九 案通鑑癸巳門下

事楊涉罷為右僕射是拜二相于行在所以代張文蔚楊涉也梁代避諱改承旨為奉旨通鑑誤作承旨

四月丙午車駕離澤州丁未駐蹕于懷州宴宰臣文武

百官辛亥至鄭州壬子幸東京丙寅幸駕幸繁臺觀稼

冊府元龜卷二百五鄆陵居人程震以兩岐麥穗并畫圖來進冊府元龜卷二百五

甲寅淮寇侵軼潭岳邊境欲援朗州以戰艦百

餘艘揚帆西上泊鼎口湖南馬殷遣水軍都將黃瑀率

接船遮擊之賊衆沿流宵遁追至鹿角鎮冊府元龜卷二百一十七

詔以戶部尚書致仕裴迪復為右僕射迪敏事慎言達

吏治明壽算帝初建節旌於夷門迪一謁見如故知乃

辟為從事自是之後歷三十年委四鎮租賦兵籍帑廩

官吏獄訟賞罰經費運漕事無巨細皆得專之帝每出

師即知軍州事逮于二紀不出梁之閭閻甚有裨贊之

道禪代之歲命為太常卿屬年已耆耄視聽昏塞不任

朝謁遂請老許之暮月復起師長庶官焉冊府元龜卷二百一十二

五月丁丑王師圍潞州將及二年李進通危在旦夕不

俟攻擊當日降太原李存勗以厚幣誘結北蕃諸部竝

其境內丁壯悉驅南征決戰以救上黨之急部落帳族

馳馬厲兵數路齊進于銅鞮樹寨旂壘相望冊府元龜卷一百一

十七王師敗于潞州永彙大典卷一萬四千二百一十二已丑令下諸州去年

有蝗蟲下子處蓋前冬無雪至今春亢陽致為災沴寔

傷隴畝必慮今秋重困稼穡自知多在荒陂榛蕪之內

所在長吏各須分配地界精加翦撲以絕根本壬辰夜
火星犯月太史奏災合在荆楚乃令設武備寬刑罰恤

人禁暴以禳之永樂大典卷二千六百三十軍前行營都將康懷英

孫海金以下主將四十三人於右銀臺門進狀待罪帝

以去年發軍之日不利有違兵法並釋放兼各賜分物

酒食勞問永樂大典卷一萬四千二百一十二封義昌軍節度使劉守文

加中書令封大彭王盧龍軍節度使劉守光封河間郡

王許州節度使馮行襲封長樂王冊府元龜卷一百九十六是月癸

未淮賊寇荊州石首縣襄陽舉舟師沿澆港襲敗之冊府元龜卷一百一十七

六月辛亥以元陽慮時政之闕乃詔曰通者

下民喪禮法吏舞文銓衡既失于選求州鎮又無其舉

刺風俗未厚獄訟實繁職此之由上遭天譴至是決遣

囚徒及戒勵中外丙寅月犯角宿帝以其分野在兖州

乃令長吏治戎事設武備省獄訟恤疲病祈福禳災以

順天戒永樂大典卷二千六百三十丙辰邠岐來寇雍西編戶困于

逃避且芟害禾稼結營自固踰月同州劉知俊領所部

兵擊退襲至幕谷案歐陽史作漢谷五代春秋仍作幕谷大破之俘斬千

計收其器甲宋文通僅以身免冊府元龜卷二百一十七詔曰敦尚

儉素抑有前聞斥去浮華期臻至理如聞近日貢舉競

務奢淫或奇巧蕩心或雕鐫溢目徒殫資用有費工庸

此後應諸道進獻不得以金寶裝飾戈甲劍戟至于鞍
勒不用塗金及雕刻龍鳳如有此色所司不得引進永

大典卷一萬九千五百九十九邕州奏鑄鄒山僧通道璘有道行各賜

紫衣冊府元龜卷一百一十七是月壬戌岳州為淮賊所據帝以此

郡五嶺三湘水陸會合之地委輸商賈靡不由斯遂令

荆湘湖南北舉舟師同力致討王師集淮夷毀壁焚郭

郭而遁冊府元龜卷一百一十七秋七月甲戌大霖雨陂澤泛溢頗

傷稼穡帝幸右天武軍河亭觀水冊府元龜卷二百五幸高僧基

觀禁衛六軍冊府元龜卷一百一十四詔曰車服以庸古之制也貴

賤無別罪莫大焉內外將相許以銀飾鞍勒其刺史都

將內諸司使以降祇取用銅冀定尊卑永為條制仍令

執法官糾察之冊府元龜卷一百一十一癸巳以禪代已來思求賢

哲乃下令搜訪牢籠之期以好爵待以優榮各隨其材

咸使登用宜令所在長吏切加搜訪每得其人則疏姓

名以聞如在低位不能自振者有司薦導之如任使後

顯立功勞別加遷陟冊府元龜卷一百一十三勅禁屠宰兩月冊府元龜

卷一百一十五甲午以高明門外繁臺為講武臺是臺西漢梁

孝王之時嘗按歌闋樂于此當時因名曰吹臺其後有

繁氏居于其側里人乃以姓呼之時代綿寢雖官吏亦

從俗焉帝每登眺蒐乘訓戎宰臣以是事奏而名之冊府

元龜卷一百九十五 案以上又通見鑑注所 八月辛

亥勅應有暴露骸骨各委差人埋葬 冊府元龜卷一百九十五 兩浙

錢鏐奏請重鑄換諸州新印 冊府元龜卷一百九十五 詔禁戢諸軍

節度級士及供奉官受旨殺直以下各參豐文 冊府元龜

十國春秋吳越世家八月梁敕封唐山縣為吳昌縣唐興縣為天

台縣又敕升杭越等州為大都督府復改新城縣曰新登長城縣

曰長興樂成曰樂清避梁諱也

義鄉燕衣錦鄉 通鑑注 甲子夜東方有大流星光明燭

地有聲如裂帛 永樂大典卷七 唐州上言白龍見圖形

以進 永樂大典卷 九月丙子太原軍出陰地關南牧寇

掠郡縣晉絳有備帝慮諸將翫寇乃下詔親議巡幸命

有司備行丁丑翠華西狩宰臣翰林學士宗政院使金

吾仗及諸司要切官皆扈從餘文武百官竝在東京壬

午達雒陽帝御文思殿受朝叅許汝孟懷牧守來朝澤

州刺史劉重霸面陳破敵之策癸未西幸宿新安丙戌

至陝州駐蒲雍同華牧守皆進鎧甲騎馬戈戟食味方

物 冊府元龜 幽州都將康君紹等十人自蕃賊寨內來

投又幽州騎將高彥章八十人騎先在并州乃于晉州

軍前來降至是到行在皆賜分物衣服放歸本道以示

懷服 冊府元龜 丁亥至陳州賜宴扈從官 永樂大典

四十七百 冊府元龜 戊子延州賊軍寇上平關又太原攻平陽烽火

羽書晝夜繼至乙丑六軍統軍牛存節黃文靖各領所

部將士赴行在甲午太原步騎數萬攻逼晉絳踰旬不

克知大軍至乃自焚其寨至夕而遁冊府元龜卷二百五襪州貢

玳瑁琉璃犀象器并珍玩香藥奇品海味色類良多價

累千萬冊府元龜卷一百九十七十月己亥上在陝西浙節度使奏

於常州東州鎮殺淮賊萬餘人獲戰船一百二隻冊府元龜

卷二百一十七以行營左廂步軍揮指使賀瓌為左龍虎統軍

以左天武軍夫馬指揮使尹皓為輝州刺史以右天武

都頭韓瑋為神捷指揮使左天武第三都頭胡賞為右

神捷指揮使仍賜帛有差以解晉州圍之功也冊府元龜卷二

二百一十以尹皓部下五百為神捷軍通鑑注引薛史乙巳御內殿

宴宰臣扈從官共四十五人丙午御毬塲殿宣夾馬都

指揮使尹皓韓瑋以下將士五百人賜酒食庫成西至

都御文明殿辛亥宰臣百寮起居于殿前遂宣赴內宴

賜方物有差丁巳至東都永樂大典卷一萬六千七百四十六己未大明

節諸道節度刺史各進獻鞍馬銀器綾帛以祝壽宰臣

百官設齋相國寺永樂大典卷一萬六千四百八十七壬戌御宣和殿宴

宰臣文武百官十一月辛未御宣和殿宴宰臣文武百

官以大駕還京故也庚辰御宣和殿宴宰臣文武百官

永樂大典卷一萬六千七百四十六出開明門登高僧臺閱兵冊府元龜卷二百一

四諸道節度使刺史各進賀冬田器鞍馬綾羅等戊子

賜文武百官帛冊府元龜卷一百九十七己未又宴宰臣文武百官

宣和殿永樂大典卷一萬六千七百四十六案歐陽

事十二月立二王三恪南郊禮儀使狀伏以詩稱有客

書載虞賓寔因禪代之初必行興繼之命俾之助祭式

五代會要	十二月	改左右	天武	為龍	虎軍	左右	龍虎	為天	武軍	左		
右天威	為羽	林軍	左右	羽林	為天	威軍	左右	英武	為神	武軍	左右	
神武	為英	武軍	前朝	置龍	虎六	軍謂	之衛	士至	是以	天武	神武	英
武等	六軍	易其	軍號	而任	勳舊	焉						

王濬今伏以國家受禪封唐朝子孫李從為萊國公今

參詳合以介國公為三恪鄒國公萊國公為二王後冊

元龜卷二 百一十二 癸丑獵畋于含耀門外冊府元龜卷二百九開平三年

正月戊辰朔帝御金祥殿受宰臣翰林學士稱賀文武

百官拜表于東上閣門冊府元龜卷一百九十七己巳奉遷太廟四

室神主赴西京太常儀仗鼓吹導引齋居車文武百官奉

辭於開明門外冊府元龜卷一百八十九甲戌發東都百官扈從次

中牟縣乙亥次鄭州丙子次汜水縣河南尹張宗奭河

陽節度使張歸霸竝來朝戊寅次偃師縣己卯備法駕

六軍儀仗入西都是日御文明殿受朝賀冊府元龜卷二百五庚

寅親享太廟冊府元龜卷一百八十九詔曰近年以來風俗未恭兵

革且繁正月燃燈廢停已久今屬創開鴻業初建洛陽

八

元龜卷二
百一十二
癸丑
獵
敗
于
含
耀
門
外

十諸道節度使刺史各進賀冬田器鞍馬綾羅等戊子

賜文武百官帛冊府元龜卷一百九十七己未又宴宰臣文武百官

宣和殿永樂大典卷一萬六千七百四十六案歐陽史癸己張策罷左僕射楊涉同中書門下平章

事十二月立二王三恪南郊禮儀使狀伏以詩稱有客

書載虞賓寔因禪代之初必行興繼之命俾之助祭式

表推恩兼垂恪敬之文別示優崇之典徵於歷代襲用

舊章謹按唐朝以後魏元氏子孫韓國公為三恪以周

宇文氏子孫為介國公隋朝楊氏子孫為鄜國公為二

王後今伏以國家受禪封唐朝子孫李從為萊國公今

參詳合以介國公為三恪鄜國公為二王後冊府元龜

元龜卷二百一十二癸丑獵敗于含耀門外冊府元龜卷二百九開平三年

正月戊辰朔帝御金祥殿受宰臣翰林學士稱賀文武

百官拜表于東上閣門冊府元龜卷一百九十七己巳奉遷太廟四

室神主赴西京太常儀仗鼓吹導引齋車居文武百官奉

辭於開明門外冊府元龜卷一百八十九甲戌發東都百官扈從次

中牟縣乙亥次鄭州丙子次汜水縣河南尹張宗奭河

陽節度使張歸霸竝來朝戊寅次偃師縣己卯備法駕

六軍儀仗入西都是日御文明殿受朝賀冊府元龜卷二百五庚

寅親享太廟冊府元龜卷一百八十九詔曰近年以來風俗未泰兵

革且繁正月燃燈廢停已久今屬創開鴻業初建洛陽

方在上春務達陽氣宜以正月十四十五十六日夜開

坊市門一任公私燃燈祈福永樂大典卷六千六百六十六辛卯祀昊

天上帝於園丘是日降雪盈尺帝昇壇而雪霽禮畢御

五鳳樓宣制大赦天下永樂大典卷四賜南郊行事官

禮儀使趙光逢以下分物甲午上御文思殿宴群臣賜

金帛有差丙申賜文武官帛有差命宣徽使王殷押絹

一萬疋并茵褥圍帶二百六十件賜張京奭永樂大典卷一萬三

千七百一十九 案歐陽史丙申羣臣上尊號曰睿文武聖廣孝皇帝改西京貞觀殿為

文明殿含元殿為朝元殿二月改思政殿為金鸞殿勅

東都為曰自昇州作府建邑為都未廣邦畿頗虧國體

其以滑州酸東縣長垣縣鄭州中牟縣陽武縣宋州襄

邑縣曹漕州戴邑縣許州扶溝縣鄆陵縣陳州太康縣等九

系立到萬開封府仍昇為畿縣册府元龜卷丙午宗

輿地廣記朱梁時楊氏據江淮于是吳越錢氏上言以淮寇未平

殿栽植松栢制可癸亥勅豐沛之基府元龜卷一百八

關於情理充奉自繫于國章宜設陵臺兼升縣望其輝

州碭山宜為赤縣仍以本縣令兼四陵臺令册府元龜卷一百八

九丁酉群宴臣于崇勳殿甲辰又宴羣臣于崇勳殿蓋

藩臣進賀勉而從之永樂大典卷一萬六千七百四十八同州節度使劉

知俊奏延州都指揮使高萬興部領節級家累三十八

宗

方在上春務達陽氣宜以正月十四十五十六日夜開坊市門一任公私燃燈祈福永樂大典卷六千六百六十六辛卯祀昊

天上帝於園丘是日降雪盈尺帝昇壇而雪霽禮畢御五鳳樓宣制大赦天下永樂大典卷四千三百七十六賜南郊行事官

禮儀使趙光逢以下分物甲午上御文思殿宴群臣賜金帛有差丙申賜文武官帛有差命宣徽使王殷押絹

一萬疋并茵褥圍幣二百六十件賜張京奭永樂大典卷一萬三千七百一十九案歐陽史丙申羣臣上尊號曰睿文武聖廣孝皇帝改西京貞觀殿為

文明殿含元殿為朝元殿二月改思政殿為金鸞殿勅東都為曰自昇州作府建邑為都未廣邦畿頗虧國體

其以滑州酸枣縣長垣縣鄭州中牟縣陽武縣宋州襄

邑曹縣漕州戴邑縣許州扶溝縣鄆陵縣陳州太康縣等九縣宜竝割屬開封府仍昇為畿縣冊府元龜卷一百九十六丙午宗

正寺請修興極永安先天咸寧諸陵並令添修上下宮殿栽植松柏制可癸亥勅豐沛之基寢園所在悽愴動

關于情理充奉自繫于國章宜設陵臺兼升縣望其輝州碭山宜為赤縣仍以本縣令兼四陵臺令冊府元龜卷一百八

九丁酉群宴臣于崇勳殿甲辰又宴羣臣于崇勳殿蓋藩臣進賀勉而從之永樂大典卷一萬六千七百四十八同州節度使劉

知俊奏延州都指揮使高萬興部領節級家累三十八

宗
卷一
萬三

人來降三月以萬興檢校司徒為丹延等州安撫招誘

等使冊府元龜卷二百一十五辛未詔曰同州邊隅總有士眾歸化

暫思巡撫兼要指揮今幸蒲陝取九日進法發甲辰車

駕發西都百官奉辭于師子門外丁丑次陝州己卯次

解州縣河中節度使冀王友謙來奉迎庚辰至河中府

冊府元龜卷二百一十四丙戌以朔

方節度使兼中書令韓遜為潁川王遜本靈州牙校唐

末據本鎮朝廷因而授以節鉞永樂大典卷一萬九千八百一十七四月

丙申朔駐蹕河中壬寅辰駕時巡于朝邑縣界焦黎店王

友謙及崇政內諸司使扈從至申時迴冊府元龜卷二百一十二己亥

御前殿宴宰臣及翼王友謙扈從甲寅宴宰臣及扈從

官于內殿永樂大典卷一萬六千七百四十八制易定節度使王處直進

封北平王福建節度使王審知封閩王廣州節度使劉

隱封南平王同州節度使劉知俊封大彭郡王山南東

道節度使楊師厚封弘農郡王冊府元龜卷一百九十六五月乙丑

朔 朝遂命宰臣及文武百官宴于內殿己卯車駕至

西京癸未御崇勳殿宴宰臣及文武官四品以上己丑

復御崇勳殿宴宰臣文武官四品以上永樂大典卷一萬六千七百四

八升宋州為宣武軍節鎮仍以毫輝潁為屬郡通鑑注引薛史

六月庚戌同州節度使劉知俊據本郡反制令削奪劉

在身官爵仍徵發諸軍速令進討如有軍前將士懷忠
烈以知机賊内朋徒憤脇從而識變便能梟夷逆豎擒
獲凶渠務立殊功當行厚賞活捉得劉知俊者賞錢一
萬貫文便授忠武軍節度使竝賜莊宅各一所如活捉
得劉知浣者賞錢一千貫文便與除刺史有官者超轉
三階無官者特授兵部尚書如活捉得劉知俊骨肉及
近上都將竝梟送闕廷者賞賜有差卅府元龜卷二百一十六辛亥
駕至蒲陝文武百官于新安縣奉迎卅府元龜卷二百五劉知俊
弟内直右保勝指揮使知浣自雄奔至潼關右龍虎軍
十將張温以上二十二入于潼關擒獲劉知浣送至行

在勅劉知浣送黨之中最為頭角龍虎十軍親兵之内
寔冠爪牙作者攻取潼關率先用命尋則擒獲知浣最
上立功頗壯軍威將除國難所懸賞格便可支分許賜
官階固須除授但昨捉獲劉知浣是張温等二十二入
一時向前共立功效其賞錢一千貫文數内一百貫文
與最先打倒劉知浣衛官李調四十三貫文與十將張
温二十人各與錢四十二貫八百五十文立功勅命便
授郡府六緣同時立功人數不少所除刺史難議偏頗
宜令逐月共支給正刺史料錢二百貫文數内十將張
温一人每月與十貫文餘二十一人每月每人各分九

奏

貫文仍起七月一日以後支給人與轉官職仍勘名銜

分析申當與施行冊府元龜卷二百一十一是月知俊奔鳳翔同州

平永樂大典卷三三七七月乙丑勅行營將士陣歿者咸令

所在給槨積津置歸鄉里戰卒聞之悉感涕冊府元龜卷一百九十五

丙寅命宰臣楊涉赴西都以孟秋享太廟冊府元龜卷一百八十九

改章善門為左右銀臺門其左右銀臺門却改為左右

與善門冊府元龜卷一百九十六勅大內皇牆使諸門素未未得嚴

謹將令整肅須示條章宜令控鶴指揮應于諸門各添

差控鶴官兩人守帖把門其諸司使并諸司諸色人竝

勒于左右銀臺門外下馬不得將領行官一人輒入門

裏其逐日諸道奉進客省使于千秋門外排當抗勒控

鶴官昇擡至內門前準例令黃門殿直以下昇進輒不

得令諸色一人到千秋門內其與善門仍令長官關鎖

不用逐日開閉是日又勅皇牆大內本尚深嚴宮禁諸

門豈宜輕易未嘗條制交下因循苟出入之無常且公

私之不便須加鈐轄用戒門閤宜令宣徽院使等切准

此冊府元龜卷一百九十一進封幽州節度使河間郡王劉守

先冊府元龜卷一百九十一七月癸酉帝發陝州乙亥至洛陽寢疾

諸王視棟折之逆帝慘然曰幾與銀等冊府元龜卷一百九十一

泣久之遂詔有司釋放禁人逆八月朔日後減膳進素

通鑑

七月

癸酉

帝發

陝州

乙亥

至洛

陽寢疾

奏

貫文仍起七月一日以後支給人與轉官職仍勘名銜

分析申當與施行冊府元龜卷二百一十是月知俊奔鳳翔同州

平永樂大典卷三七月乙丑勅行營將士陣歿者咸令

所在給槨積津置歸鄉里戰卒聞之悉感涕冊府元龜卷一百九十五

丙寅命宰臣楊涉赴西都以孟秋享太廟冊府元龜卷一百八十九

改章善門為左右銀臺門其左右銀臺門却改為左右

與善門冊府元龜卷一百九十六勅大內皇牆使諸門素未未得嚴

謹將令整肅須示條章宜令控鶴指揮應于諸門各添

差控鶴官兩人守帖把門其諸司使并諸司諸色人竝

勤于左右銀臺門外下馬不得將領行官一人輒入門

裏其逐日諸道奉進客省使于千秋門外排當抗勒控

鶴官昇擡至內門前準例令黃門殿直以下昇進輒不

得令諸色一人到千秋門內其與善門仍令長官關鎖

不用逐日開閉是日又勅皇牆大內本尚深嚴宮禁諸

門豈宜輕易未嘗條制交下因循苟出入之無常且公

私之不便須加鈐轄用戒門閤宜令宣徽院使等切准

此處分冊府元龜卷一百九十一進封幽州節度使河間郡王劉守

光為燕王冊府元龜卷一百九十六己丑夕寢殿棟折詰旦召近臣

諸王視棟折之迹帝慘然曰幾與卿等不相見君臣對

泣久之遂詔有司釋放禁人芝八月朔日後減膳進素

食禁屠宰避正殿修佛事以禳其咎永樂大典卷一萬六千五百七十一

高州刺史李稠棄郡西奔本州將吏以都牙校李致權

知州事通鑑注八月甲午以秋稼將登霖雨特甚命宰

臣以下禱於社稷諸祠永樂大典卷二千六百三十詔曰封嶽告功

前王重事祭天肆覲有國恆規朕以眇身恭臨大寶既

功德未敷于天下而災祥訝降于城中慮于告謝之儀

有缺齋虔之禮爰修昭報用契幽通宜令中書侍郎平

章事于統往東嶽祭拜禱祀訖聞奏永樂大典卷一萬六千九百五十八

又勅朕以干戈尚熾華夏未寧宜循卑菲之言用致雍

熙之化起八月一日常朝不御金鸞崇勲兩殿只於便

殿聽政冊府元龜卷一百九十七辛亥制諸郡如有陣歿將士仰逐

都安存家屬如有弟兄兒姪便給與衣糧充役冊府元龜卷一百九十五

贈故山東道節度使留後王玠玠太保贈故同州觀

察判官盧匪躬工部尚書玠故河陽將累以軍功為郡

守主留事于襄陽為小將王求所殺匪躬嘗為劉知俊

判官知俊不偕行為亂兵所害冊府元龜卷二百一十勅建國之

初用兵未罷諸道章表皆擊軍機不欲滯留用防緩急

其諸道所有軍事申奏宜令至右銀臺門委客省畫時

引進諸道公事即依前四方館准例收接冊府元龜卷一百九十一

司天臺奏今月二十七日平明前東南丙上去山高三

繫

尺以來老人星見測在井宿十一度其色光明潤大

元龜卷二百二勅所在長吏放雜差役兩稅外不得妄有科配

自今後州縣府鎮凡使命經過若不執勅文券竝不得

妄差人驢及取索一物已上又今歲秋田皆期大稔仰

所在切如條流本分納稅及加耗外勿令更有科索切

戒所繇人更不得於鄉村乞託擾人冊府元龜卷一百九十一閏八

月襄陽叛將李洪差小將進表帝示以含弘特賜勅書


慰諭又制左馮背叛元惡遁逃如聞相濟之徒多是脅

從之輩若能迴心向國轉禍全身當與加恩必不問罪

仍令同華雍等州切加詔諭如能梟斬溫韜或以鎮寨

歸化必加厚賞仍獎官班兼委本界招復人戶切加安

存冊府元龜卷一百一十五已卯辛酉苑觀稼冊府元龜卷二百五



卷
糸
本

律